

遼史紀事本末

遼史紀事本末卷二

特賞內閣中書前江西峽江訓導李有棠編纂

特爾格等之叛 察克事附

太祖卽位之五年夏五月皇弟特爾格原作刺葛字綏

異陳浩遼史攷證云卷五十五儀衛志又作刺哥係一作卷三太宗紀天顯十二年郎君刺哥另

特爾格原作浩遼史攷證云卷一太祖七年八年又作迭

刺哥神冊三年又作迭烈哥均係一人卷一百十伊

遜父迭刺卷六穆宗應歷十年罪人迭刺哥卷四太

宗會同元年迭伊德實原作寅底石字愛新亦作阿

烈哥均另一人安圖原作安圖遼史攷證云卷三太宗天顯

作勻德實係一人謀反安圖妻訥默庫原作姑知之以告

得實太祖不忍加誅乃與諸弟登山刑牲告天地爲

誓赦其罪出埒克爲德喀

原作迭刺

部額爾奇木

原作夷離堇

封訥默庫爲晉國夫人

六年秋七月丙午親征珠巴克

原作不姑

降之命弟埒

克分兵攻平州冬十月戊寅埒克破平州還復與安

圖等反壬辰太祖還次北阿嚕

原作阿魯

山聞叛兵阻道

引兵南出十七濛翼日次七渡河諸弟各遣人謝罪

仍許以自新

攷異耶律古傳嘗從太祖畧地山右會李克用於雲州古侍克用曰是兒骨相

非常不宜使在左右以故太祖頗忌之時方西討諸弟亂作太祖聞變問古與否曰無喜曰吾無憂矣趣

召古議古陳殄滅之策後皆如言紀未載古爲巴古濟孫字彌爾琨初名實默克仕終右皮室詳衮

七年春正月甲寅王師次赤水城弟埒克等乞降太祖素服乘赭白馬肅侍衛以受之埒克等引退數遣使撫諭之三月癸丑次蘆水弟特爾格圖爲奚王與安圖擁千餘騎至給稱入覲太祖怒曰爾曹始謀逆亂朕特恕之使改過自新尙爾反覆將不利於朕遂拘之以所部分隸諸軍而埒克引其衆至伊蘇濟勒

原作乙室厘

淀具天子旗鼓將自立宣簡太后陰遣人諭

令避去會瑪古納古爾

原作弭姑乃懷里

陽言車駕且至衆

潰北走太祖以兵追之埒克遣伊德實徑趨行宮焚

輜重廬帳縱兵大掠舒嚕

原作述律

后急遣舒古魯

原作蜀古

遼史紀事本末

卷二

二

魯攷異陳浩遼史攷證云卷五十救之僅得天子旗

鼓而已攷異儀衛志云遼自達呼爾氏摩歡受唐鼓

前所用皆是物也凡十二神燾十二旗十二鼓曲柄

華蓋直柄華蓋約尼末之遺制迎十二神燾天子旗

鼓置太子帳前諸弟埒克等叛後僅得天子旗鼓太

宗立置旗鼓神燾於殿前聖宗以輕車都尉拜帝山

蓋遼自失活入朝於唐纁古扈從目見耳聞歆羨帝王之

觀上國開元東封實古扈從目見耳聞歆羨帝王之

輝容有年矣至太宗入汴席捲法物輦致上京然後

累世之所欲者一舉而得之於是秦漢以來帝王法

物盡入於遼至鹵簿儀仗人數馬匹載於太常卿徐

世隆家藏遼朝雜禮者不具述焉若天顯四年太宗

幸遼陽府人皇王備乘輿羽衛以迎乾亨五年聖宗

東巡東京留守具儀衛迎車駕此故渤海儀衛也

其黨珊蘇庫原作神速姑攷異陳浩遼史攷證云卷

作神速復劫西樓焚明王樓太祖至土河秣馬休兵

係一人

若不為意諸將請急追之太祖曰俟其遠遁人各懷

土懷土既切其心必離引軍乘之破之必矣盡以所

俘獲分賞將士夏四月戊寅北追埒克次穆魯原作

彌聞諸弟面木葉山射鬼箭厭禳乃執叛人嘉哩原作

解里攷異汪輝祖遼史同名錄云卷一太祖八年哈

達拉子卷三天顯九年伊喇卷十聖宗統和九年渤

海塔瑪卷十一統和四年黃皮室詳哀卷十二統和

五年御蓋郎君班祇候卷十三統和十三年長甯節

度卷三十九地理志榆州太宗時橫帳人卷六十一

刑法志會同四年通事卷七十六傳圖魯卜部令公

十人同名解里又開泰八年西南招討太平四年彰

德節度耶律韓留傳重熙時樞密三人同呼蕭解里

疑節與長甯向彼亦以其法厭之攷異汪邵韓解里

箭之刑按他書亦稱攢矢綴學云遼有射鬼

矢而鬼箭之名乃遼所獨也至達掄達里原作淀選輕騎

追及布札爾

原作培只

河盡獲其黨輜重牲口先遣兵伏

其前路命北宰相達魯

即敵魯原作迺里古攷異陳浩遼史攷證云卷一太祖四

年以蕭敵魯為北府宰相卷七十三敵魯傳拜北宰相率輕騎追埒克等是迺里古乃敵魯聲近之轉係

一人又本年伊實府人迺里古以從逆誅另一人為先鋒進擊之埒克等衆

潰至柴河伏發合擊大敗走之其黨庫克濟

原作庫古

只攷異陳浩遼史攷證云卷七穆宗應歷十五年庫古只奏室韋亡入德喀另一人摩多

原作磨朵

皆面縛請罪師次昭圖

原作札堵

河大雨暴漲五月癸丑

遣北宰相廸輦

攷異敵魯傳字廸輦此特稱其字耳汪輝祖遼史同名錄云卷三太宗天

顯八年特哩袞卷五十九食貨志乾亨時伊實威部下婦人三人同名廸輦率驍騎先渡

遂擒埒克等於榆河前北宰相蕭實魯

原作實魯攷異汪輝祖遼

史同名錄云卷一太祖神冊二年後弟卷三太宗天  
顯八年冠十二歲侍衛四人同名實魯按後弟實魯  
原作室魯尙濟古爾公主嘗將兵討裕庫塔卷四十  
五百官志著帳郎君約尼裕悅卷六十六皇族表太  
祖系雅爾噶子卷八十一傳聖伊德實自剄不殊  
宗北樞密韓王四人同名室魯伊德實自剄不殊  
陳桎五代史補編云涅里衮阿王戌塔克等至行在  
鉢被獲寅底石自剄不殊稍異  
太祖還至大嶺時軍久出輜重不相屬士卒煮馬駒  
爲食孳畜道斃者什七八物價十倍資械委棄狼藉  
數百里因更塔克名巴爾原作暴里六月壬辰次狼河獲  
逆黨伊塔穆爾原作彌里生薶之銅河南軌下放所俘  
還多爲裕庫塔原作骨里所掠遣兵馳擊奪還之庚子  
次阿敦澤以養子納喇蘇原作里思附諸弟叛以鬼箭



射殺之其餘黨六千各以輕重論刑以額爾奇木納

爾琿原作涅里衮攷異汪輝祖遼史同名錄云卷一百二十希達傳字涅烈衮即涅里衮卷一伊德

實妻卷三太宗天顯三年特哩衮十年宰相卷誘諸十五聖宗開泰四年平章五人同名涅里衮

弟爲亂不忍顯戮命自投崖而死納爾琿名希達原作

底肅祖曾孫太祖之叔父黠而辨險佞者多附之其

子達勒達原作迭里亦從死攷異希達傳字納爾琿初與實嚕同知國政及

實嚕遇害奔渤海歸國益爲姦惡太祖將即位讓希達辭命爲裕悅乃自將伐西南諸部與塔克作亂北

走至榆河被獲與此合惟傳作縊死稍異按太祖紀即位元年以從弟達勒達爲德喀部額爾奇木達勒

達原作迭栗底考皇子表無名迭栗底者惟希達子名迭里特卷一百十二希達傳太祖稱爲叔父其子

乃太祖從弟又迭里特傳太祖即位拜德秋八月喀部額爾奇木是迭栗底即係迭里特

己卯幸龍眉宮輟逆黨二十九人以其妻女賜有功

將校所掠珍寶孳畜還主亡其本物者命責償其家

不能償者賜以其部曲自攷異刑法志云籍沒之法始

哈陶津汗命案裕悅實嚕遇害事以其首惡家屬沒

入幹里及舒嚕后析出以爲著帳郎君世宗詔免之

其餘內外戚屬及世官之家犯反逆等罪復沒入焉

餘人則沒爲著帳戶其沒入宮分賜臣下者亦有

之按續通考實嚕作室魯害之者爲蒲古只三族幹

里作瓦里太后太妃皆有著帳諸局叛逆家屬執事

禁衛故遼多變起肘腋也官制北面有著帳郎君院

官曰著帳郎君節度使曰司徒又有祗候郎君詳穩

司及左右詳穩司等官而南面又設殿九月癸未伊

中監惟少府監不設事寄於殿中司

實原作府人達魯原作迪穆呼爾原作迷部人托里

原作特里攷異汪輝祖遼史同名錄云卷十八興宗

重熙六年都部署卷六十五公主表道宗女三人同

錄也已見本卡卷二

名特以從逆誅

八年春正月甲辰裕庫喀部人塔勒滿原作特執逆

黨布呼原作怖胡伊拉齊原作亞等十七人來獻太祖親

鞠之辭多連宗室乃杖殺首惡布呼餘並原釋裕悅

綏蘭原作率懶之子華格原作化哥致異陳浩遼史攷證

四會同五年客省使卷七穆宗應歷十九年太尉卷

十一聖宗統和四年雲州節度又御蓋郎君卷十五

開泰二年北樞密幽王卷十七太平六年林牙卷二

十四太康八年金吾衛大將軍九人同名化哥又作

逆黨蕭格小字猾哥另一人末屢蓄姦謀太祖每優容之而反覆不悛召羣臣正其罪并其子罕札俱凌遲死分其財以給衛士攷異宏簡錄云隋國王實嗜字蘇喀原作述蘭其子猾哥

卽華格嘗教安端謀逆性陰險初烝父妾懼事彰與  
尅蕭臺晒等共害其父歸咎臺晒獲免太祖卽位姑  
示含容拜惕隱復預諸弟亂與子痕只俱伏誅按臺  
晒一作特依順痕只卽罕札續通考云實嚙一作釋  
魯元祖子駢脅多力賢而有智爲遙輦氏于越始教  
民種植桑麻被弑年五十七重熙時追封隋國王孫  
休哥封宋王曾孫陳留封宿國王其有司所鞠逆黨  
後又有仙童封許國公見封建考

三百餘人獄旣具太祖以人命至重死不復生命賜  
宴一日酒酣歌舞或戲射角觥盡歡明日乃以輕重

行刑首惡埒克其次特爾格太祖猶弟之不忍寘法

杖而釋之以伊德實安圖性本庸弱爲埒克所使悉

貫其罪前裕悅哈達拉原作赫底里子嘉哩埒克妻實喇

勒濟原作轄刺己實預逆謀命皆絞殺之伊德實妻聶埒

原作涅离攷異陳浩遼史攷證云卷一神册三年伊  
德實妻納爾琿原作涅里衮係一人又卷一太祖紀  
獄官伏誅亦名涅里另脅從安圖妻訥默庫嘗有忠告並免

因謂左右曰諸弟性雖敏黠而蓄姦稔惡嘗自矜有

出人之智安忍兇狠谿壑可塞而貪黷無厭昵比羣

小謀及婦人同惡相濟以危國祚雖欲不敗其可得

乎北宰相實嚙妻伊埒達衮原作餘盧觀姑於國至親一旦

負朕從逆病死此天誅也嘉哩幼與朕同寢食眷遇

之厚冠於宗屬亦與其父背大恩而從不軌茲可恕

乎秋七月丙申朔有司上諸帳族與謀逆者三百

餘人罪狀皆棄市太祖嘆曰致人於死豈朕所欲若

止負朕躬尚可容貸此曹恣行不道殘害忠良塗炭

生民剽掠財產有國以來所未嘗有實不得已而誅

之攷異刑法志云太祖初年庶事草創犯罪者量輕重決之其後治諸弟逆黨權宜立法親王從逆不

磔諸甸人或投高崖殺之淫亂不軌者五車輶裂之

逆父母者視此訕詈犯上者以熱鐵錐搯其口殺之

從坐者量罪輕重杖決杖有二人者重錢五百小者

三百又為梟磔生瘞射鬼箭砲擲支解之刑歸於重

法開民使不為變耳歲癸酉下詔曰朕自北征以來

四方獄訟積滯頗多今休戰息民羣臣其副朕意詳

決之無或冤枉乃命北宰相蕭敵魯等分道疏決有

遼欽恤之意昭見於此神冊六年克定諸夷詔大臣

定治契丹及諸夷之法漢人則斷以律令仍置鍾院

以達民冤至太宗時治渤海人一依漢法餘無改焉

神冊二年夏六月乙巳埒克因太祖南征與其子薩

布巴里岱原作賽保里攷異皇族表埒克子二一係

賽保今改薩布一係中京留守拔里得今

遼史紀事本末

卷二

七

改巴里岱此之里疑卽拔里得也叛入幽州致異去簡錄云刺葛字  
叛入幽州爲人所殺通鑑云契丹主弟撒刺阿接卽  
刺葛號北大王謀亂兵敗被囚期年釋之率其衆奔  
晉晉王養爲假子拜刺史胡柳之戰以其妻子奔梁  
後唐同光元年詔敬翔李振首佐朱溫共傾唐祚撒  
刺阿接叛兄棄母負恩背國宜與趙巖等並族誅於  
市按巴哩岱傳字海蘭太宗卽位以親愛見任會同  
七年從伐晉拔德州擒刺史師居璠等九年再舉兵  
降杜重威戰功居多入汴授安國節度總領河北道  
事世宗立遷中京留守卒其  
復國未詳何時所載均異

三年春正月丙申以安圖爲大內特哩衣原作命攻

雲州及西南諸部 夏四月乙巳特爾格謀叛事覺

知有罪當死預爲營壙而諸戚請免太祖素惡其妻  
納爾琿曰納爾琿能代其死則從納爾琿自縊壙中

乃赦特爾格不誅

天顯元年春二月丙午渤海平改爲東丹國冊太子

貝

原作倍

爲人皇王以主之命特爾格爲左大相未幾

卒

攷異宏簡錄云迭刺性敏給太祖常稱其智能通同鶻言語因制契丹小字數少而該貫紀未載

又命伊德實爲政事令輔東丹王舒嚕后使人於路

縊殺之重熙中追封許國王

攷異宏簡錄云字阿辛后遣司徒劃沙殺於路

續通考云寅底石後有幹特刺封漆水郡王乾統中封混同郡王

三月安邊鄭頡定

理三府叛遣安圖討平之太宗立委任如常至世宗

時出主東丹國封明王其子察克

原作察割

字烏新

原作歐辛

善騎射太祖自其幼時卽謂有反相世宗立安圖陰



懷二志察克勸其歸命等封爲泰寧王會安圖爲西

南面大詳袞

攷異索倫語理事官也舊作詳穩今譯改見日下舊聞考察克佯與

父惡陰遣人白於帝帝召領鈕祜祿

原作女石烈

軍出入

禁中數被恩遇耶律烏哲

原作屋質

白其姦帝不信天祿

五年秋九月庚申朔世宗自將南征次歸化州尙和

原作祥古

山祭讓國皇帝於行宮羣臣皆醉察克與耶律

瑣都

原作盈都亦作盈哥

等作亂遂弑之及太后因僭號烏哲

以兵圍行宮察克并弑皇后倉皇出陣衆潰知事不

濟與林牙耶律迪里謀出降穆宗因遣迪里誘執

殺之

本傳原作敵獵字烏納原作烏輦六院卓巴勒子少多詐察克叛穆宗用其計誘殺之凡脅從

無一被害者皆其力也後未顯用諸子皆伏誅宏攷異  
居常快快卒以謀立隆科凌遲死  
鋒云察制名麻答性酷虐太祖見其目若風駝面有  
反相謂近侍曰朕若獨居勿令入門後作亂夜閱內  
府見瑪瑙盤曰此希世寶今爲我有其妻曰壽安及  
屋質在吾屬無噍類此物何益奪被誅本傳謂爲隆  
科手刃升赦安圖通謀罪放歸田里其黨皆誅死攷  
南京留守蕭塔喇噶傳字陶晒六院部人性剛直官國舅敵史  
或曰察克有異志塔喇噶曰彼縱忍行不義人孰肯  
從他日侍宴酒酣提其耳強飲之曰上固知汝敵狠  
然以國屬使在左右若長惡不悛自取赤族禍察克  
強笑曰何戲之虐也及爲北府宰相察克果作亂塔  
喇噶罵曰吾悔不殺此逆賊尋被害按傳在卷九十  
嘗坐叔祖特依順謀殺實嚙沒入宏義宮果官宰相  
死察克難卽是人而卷八十五塔列葛傳重熙間以  
世選爲北府宰相八世祖珠魯名見外戚傳蓋塔列  
葛係特依順之姪塔喇噶係特依順姪孫同爲北宰  
相惟外戚表未伊德寶子瑠格祖遼史同名錄云卷  
載塔喇噶名

一百一蕭陶蘇幹傳伯父亦名劉哥卷六世宗朝爲  
十一刑法志開泰中近侍三人同名留哥

特哩袞瑠格弟瓊都爲皮室詳袞均與蕭翰謀逆釋  
不誅瑠格後請帝博欲因進酒弑逆帝覺之不果被

囚一日召瑠格鎖項以博帝問汝實反耶誓曰臣有

反心必生千項疽貫之烏哲固爭命按問具服詔免

死流於烏爾古部果以生千項疽死瓊都復預察克

之謀凌遲死異母弟二人科科里原作化希斯原作

亦以謀反誅攻異蕭幹傳察克亂作其黨和爾郭勒

臣縛其人送壽安王賊平帝嘉其忠拜羣牧都林牙

耶律哈里傳察克之叛其母達魯與焉遣人召哈里

拒之亂平達魯以子故獲免哈里歷南院大王方伎

傳魏璘善卜察克謀逆問之璘始卜謂曰大王之難

得一日矣宜慎之及亂果敗察克傳均未載按察克  
叛黨有胡古只見蕭幹傳又皇族表元祖系嚴尤子  
迭刺部夷酋董胡古只另一人嚴尤作嚴本紀傳均  
作嚴木安圖傳作元祖長子皇子表列爲第二皇子  
表揚珠二子和爾郭勒濟卽胡古只摩綽原作尤  
皇族表作末撥安國傳祖春博里皇族表亦列爲揚  
珠子皇子表無  
其名所載各異

遼史紀事本末卷二

遼史紀事本末卷三

勅封官大夫特賞內閣中書前江西峽江訓導萍鄉李有棠編纂

東丹建國

太祖神冊元年春三月丙辰立子貝

原作倍

爲皇太子

貝一名突欲小字托雲

一作托允攷異宏簡錄云字圖敏

太祖長子

母曰舒嚕

原作述律

后性聰敏好學外寬內摯太祖嘗問

祀神何先羣臣以佛對太子曰孔子大聖萬世所宗

宜先卽立孔子廟命太子春秋釋奠

攷異續通考云史稱遼之義宗

可謂盛矣其始纂太伯之賢而爲讓國之謀終疾陳恒之惡而爲請討之舉志趣之卓蓋已見於早歲先祀孔子之言終遼之世賢聖繼統皆其子孫至德之報昭然矣按遼自太祖置上京國子監設祭酒司業

遼史紀事本末卷三

十一

監丞主簿時南京立太學聖宗統和十三年九月賜  
南京太學水磴莊一區道宗清甯元年十二月詔諸  
州設學養士頒五經及傳疏置博士助教各一員屬  
縣附焉六年六月中京置國子監命以時祭先聖先  
師所載甚詳

四年冬十月丙午命太子將先鋒軍進擊烏爾古

原作

烏部破之俘獲萬計自是舉部來附

五年秋九月壬寅命太子率兵畧地雲內攻天德拔

其城而還

六年冬十二月庚申太子率王郁畧地定州師還至

順州幽州指揮使王千率眾來襲耶律圖魯卜

原作哭呂

不本傳官檢校太傅攷異陳浩遼史攷證云卷九射  
十六蕭樂音奴傳六世祖奚六部詳穩另一人

其馬蹟擒之

攷異宏簡錄云六年命經畧燕地至定州太祖方與李存勗相拒雲碧店引兵

馳赴擊走之紀未載

天贊三年夏六月乙酉太祖親征托歡

原作吐渾

黨項準

布

原作阻卜

等部詔太子監國次子大元帥耀庫濟

原作韋骨

從行

四年冬十二月乙亥太祖親征渤海皇后太子皆從

天顯元年春正月庚申攻拔扶餘城太祖欲括戶口

太子諫曰今始得地而料民民必不堪若乘破竹勢

徑造輝罕

原作忽汗

城破之必矣從之是月丁丑克其城

渤海大誣譟出降遂改渤海爲東丹國輝罕爲天福



城冊太子爲人皇王主之稱制行事建元甘露仍賜  
天子旌旗置左右太次四相及百官一用漢法歲貢  
布十五萬端馬千匹太祖諭曰此地瀕海非可久居  
留汝撫治以見朕愛民之意 三月丁卯幸人皇王  
宮癸未宴東丹國僚佐頒賜有差甲申幸天福城駕  
將還貝作歌以獻陞辭太祖曰得汝治東土吾復何  
憂貝號泣而退遂班師次扶餘城太祖崩舒嚕后稱  
制決軍國事未幾奉梓宮還耀庫濟討平諸州奔赴  
行在人皇王貝繼至

元一統志東丹王故宮在遼陽路按本路圖冊在府東北隅有

讓國皇帝  
御容殿

二年冬十一月壬戌人皇王貝請立耀庫濟爲帝后  
許之先是中子耀庫濟一名德光爲后所鍾愛自爲  
大元帥戰功屢著威行萬里至是行至西樓命與貝  
均乘馬立帳前謂諸將曰二子皆吾愛之莫知所立  
汝曹擇可立者執其轡諸將知后意爭曰願事元帥  
后曰衆之所欲吾安敢違遂立太宗時貝亦謂公卿  
曰大元帥功德及人神中外攸屬宜主社稷乃與羣  
臣請於太后而讓位焉攷異契丹國志云突欲愠欲  
奔唐后遣歸東丹歐史云阿  
保機死長子突欲當立母述律遣其幼子安端少君  
之扶餘城代之將立爲嗣然尤愛德光諸部希其意  
共立德光薛史安端作阿敦史未載安圖傳父廸里  
爲南院額爾奇木會后欲以大元帥嗣位廸里建言

帝位宜先嫡長子東丹王赴朝宜立由是忤旨以黨附下之獄訊鞠加炮烙不伏殺之籍其家貝傳未書

四年夏四月甲寅太宗幸天城軍謁祖陵辛酉人皇王貝來朝秋八月癸卯幸人皇王第冬十月壬寅復幸其第

五年春二月丙辰太宗與人皇王朝太后三月辛未

人皇王獻白紵乙酉宴其僚屬於便殿夏四月乙未

詔人皇王先赴祖陵謁太祖廟丙辰太宗與人皇王

會祖陵遣歸國秋九月詔錫里

原作舍利

布琳

原作普甯

撫慰

人皇王庚辰命置儀衛冬十月戊戌遣使賜之胙甲

辰人皇王進玉笛十一月東丹國奏人皇王浮海赴

唐時太宗既立見疑以東平爲南京徙貝居之盡遷其民又置衛士陰伺動靜貝既歸國命王繼遠撰建南京碑起書樓於西宮作樂田園詩唐明宗聞之遣人跨海持書密召貝貝因畋海上使再至貝謂左右曰我以天下讓主上今反見疑不如適他國以成吾

吳泰伯之名立木海上刻詩曰小山壓大山大山全

無力羞見故

攷異洪皓松漢紀聞作當

鄉人從此投外國攜高美

人載書浮海而去

攷異耶律伊濟傳人皇王奔唐伊濟鎮撫國人一切如故加守太傅

遷中臺省左相嘗劾奏左次相渤海蘇不法事先是表奏請徙東丹國民於梁水使就故鄉又獲木鐵鹽魚之利從之時稱其善按太祖紀天顯元年以渤海司徒大素賢爲左次相伊濟爲右次相宏簡錄亦作

大素賢是蘇卽大素  
賢紀及貝傳俱未載

六年春三月丁亥人皇王貝妃蕭氏率其國僚屬來  
見

七年夏四月甲戌唐遣使來聘致人皇王貝書

八年冬十一月辛丑太皇太后崩遣使告哀於唐及  
人皇王貝

九年夏四月唐李從珂

歐史云母魏姓鎮州人先適王姓生從珂嗣源戰河北掠

平山得魏氏爲妾以從珂爲養子初名弒其主從厚

阿三後自焚死稱廢帝薛史作末帝而自立人皇王貝自唐上書請

討之

諡閔帝歐史作愍帝

十一年冬十一月庚午太宗自將援石敬瑭唐主從

珂兵敗遣人殺人皇王貝遂自焚死先是貝越海自

登州古東牟郡今升為府攷異與地廣記云春秋為牟子國秦屬齊郡漢晉屬東萊郡魏置東牟郡

唐立登州後仍舊今縣四蓬萊黃縣牟平文登奔唐唐以天子儀衛迎貝貝

坐船殿眾官陪列上壽至汴見明宗明宗妻以莊宗

后夏氏攷異契丹國志作莊宗後宮夏氏王溥五代會要云莊宗昭容夏氏封虢國夫人薛史云

明宗入洛莊宗宮人數百悉令歸其骨肉惟夏氏無所歸後以賜李贊華均不言其為莊宗后孫光憲北

夢瑣言云莊宗嫡夫人韓淑妃伊德如晉末契丹入

中原石氏乞降契丹主大張宴席其國母后妃列坐

同宴王嫡蔡姬之比也歐史云韓淑妃伊德如居太

原晉高祖反時為契丹所虜李昭玘樂靜先生集記

殘經云南臺古刹有佛書數百卷多唐季五代時所

書字畫精勁有毗奈耶雜事一卷伊德如造初劉后

卷三

以微賤得立性倭佛惟寫佛書饋僧尼如爲此經豈  
非畏后所逼耶後有燕國夫人印蓋未晉封時所書  
也賜姓東丹名贊華復賜姓李改瑞州爲懷化軍拜

節度使兼領瑞慎等州觀察使攷異契丹國志作瑞

年置懷化軍於慎州兼領瑞州等改昭化軍時州地

半沒於契丹蓋遙領也王存元豐九域志云慎州領

達龍一縣瑞州領遠來一縣在時明宗長興元年也

羈縻十四州之內紀載各判府元龜云長興二年三

攷異契丹國志作二年事冊府元龜云長興二年三

月中書門下奏東丹王突欲遠汎滄波來歸皇化旣

服冠帶難無定名並楊隱等頃以力助王都罪同禿  
餒爰從必死並獲再生每預入朝各宜授氏庶使族  
編姓譜世荷聖恩況符前代之規永慰遠尋移鎮滑  
州輿地廣記云古豕韋氏國秦漢屬東郡晉爲陳留  
州濮陽二國宋曰兗州後魏置東郡隋置杞州後爲  
滑州攷兗州唐復舊更名靈昌郡升義成軍改宣義  
今爲武成軍縣三白馬韋城昨城攷異冊府元龜云

贊華鎮滑州多不法久之入覲乞留闕下求移許州  
明宗欲允之因樞密范延光言乃止促令歸滑欲自  
裁召對復改言乞削髮爲僧且言使者之言如水上  
畫字不可據又云長興二年五月青州上言有百姓  
過海北樵採得東丹王堂兄京尹污整書問慕華行  
止願修貢閏五月青州進呈東京尹國首領耶律羽之  
書二封契丹國志云三年授義成節度使選朝士爲  
僚屬輔之但優游自奉不預政事明宗嘉之所載各  
判遙領虔州平百越秦屬九江郡二漢屬豫章郡晉  
置南康郡隋置虔州唐因之復爲南康郡後唐升昭  
信軍今縣十贛縣虔化興國信豐雩都會昌瑞金石  
城安遠節度使貝雖在異國常思其親問安之使不  
龍南致異宏簡錄云部曲五人皆賜姓名歐史云賜罕  
絕只曰罕罕友通穆葛曰穆順義撒羅曰羅賓德易密  
曰易師仁蓋禮曰蓋來賓以爲歸化歸德將軍郎將  
又賜前所獲赫遜曰狄懷惠涅列曰列知恩煎刺曰  
原知感福郎曰服懷造竭失訖曰  
乙懷宥餘皆賜姓名所載較詳  
嘗市書至萬卷藏



於醫巫閭絕頂之望海堂地理志云山南去海百三

里本渤海顯德府地攷異方輿紀要云山在廣甯西五

一名十三山以此為幽州之鎮其山掩抱六重因名六山

云十三山即此按醫巫閭山在今廣寧縣西四十里周

二百四十里十三故名見滿州源流考元好問中州集載

金蔡太常珪題醫巫閭詩云幽州北鎮高且雄倚天

崖暗谷森雲樹蕭寺門橫入山路誰道營邱筆有神

只得峰巒兩三處我方萬里來天涯坡陁繚繞昏風

沙直教眼界增明秀好在嵐光日夕佳封龍山邊生

處樂此山之間亦不惡他年南北兩生涯不妨世有

揚州通陰陽知音律精醫藥砭熅之術工遼漢文章

嘗譯陰符經善畫本國人物如射獵雪騎千鹿圖皆

入宋祕府攷異薛史云長興三年二月李獻契

趙延壽每假其異書醫經皆中國所無者蔣葵堯

山堂外紀云東丹有文才通古今習舉子每通名刺

稱鄉貢進士黃居難字樂地以擬白居易字樂天宣

和書畫譜云東丹王畫多寫貴人酋長不作中國衣

冠亦安於所習也議者謂馬尚豐肥筆乏壯氣其確

論歎今御府所藏十有五雙騎圖一獵騎圖一雪騎

圖一射騎圖一獵騎圖一文二角鹿圖一獵騎圖一

一射騎圖一獵騎圖一文二角鹿圖一獵騎圖一

一射騎圖一獵騎圖一文二角鹿圖一獵騎圖一

王介甫有贊華番部行程之卓胡環有平遠番部卓

丹千角鹿圖李伯時臨之董北苑有跋宣和畫譜列

其目馬米芾畫史云東丹王胡環蕃馬見七八本雖

好非齋室清玩李唐畫品云祕閣有李贊華畫鹿角

直而岐出故畫錄云千角鹿實則角上橫出者衆也

少虞宋事類苑云東丹王買巧石數峰目為空青府江

善丹青郭若虛圖畫見聞志云范陽胡環不精工畫

用筆精勁至穹廬什物射獵生死物靡不精工畫凡

駝馬樓尾人衣毛毳以狼豪縛筆疏渲之取其纖健  
 也有陰山七騎下程控馬射雕等圖劉道鵬五代名  
 畫補遺云環山後人善畫蕃馬不減東丹王王得馬  
 骨環得馬肉有射雕昭鷹等圖傳世子虔有父風忝  
 牛戲畫許蕭融官南樞密亦善畫道宗清甯中以義  
 宗干角鹿圖賜馬見王星聚繪事備考鄧椿畫繼云  
 燕人吳九州善畫鹿窮盡蕃鹿之態牛鹿馬鹿養茸  
 退角老嫗之別無不肖夏文彥圖繪寶鑑云涿郡  
 高益工畫佛道鬼神蕃漢人馬太宰朝潛歸宋以畫  
 名授待詔有南國鬪象衛士騎射蕃漢出獵等圖傳  
 世所戰然性殘酷嗜殺好飲人血婢妾微過常加剗  
 較詳

灼夏氏懼求削髮為尼攷異孫光憲北夢瑣言云號國夫人最承莊宗寵遇後嫁  
 突欲少長宮掖不忍見其凶殘求離婚歸至是從珂  
 河陽節度夏魯奇家今為尼也所載稍殊  
 為敬瑭所逼召貝欲與俱焚貝不從遣壯士李彥紳  
 害之時年三十八僧為收瘞之敬瑭入洛喪服臨哭

以王禮權厝後太宗改葬於醫巫閭山諡曰文武元

皇王

攷異續通考作文武元皇帝宏簡錄契丹國志均云害貝者為宦者秦繼旻皇城使李彥紳二

人晉贈贊華燕王送喪歸其國後太宗破晉求得繼旻彥紳殺之以其家產賜其子兀欲薛史云晉天福

元年十二月遣前單州刺史李肅部署歸葬本國二年正月丙子歸葬輟朝一日張齊賢洛陽搢紳舊聞

記云肅奉命出使憂沮涕泣妻張氏出金珠直數十萬使贈戎王左右果得歸并得厚賜奏進獲遷官妻

為全義女也王溥五代會要云時契丹王母舒世宗嚕氏以其子托欲喪歸國遣使朝貢紀未載

即位諡讓國皇帝

攷異續通考云統和中更諡文獻皇帝重熙末增諡文獻

詳諡廟號義宗陵曰顯陵

攷異遼東志云世宗以人法考焉山形掩抱六重於中作影殿制度宏麗許亢

因葬焉山形掩抱六重於中作影殿制度宏麗許亢宗奉使行程錄云突欲葬此山在顯州離州七里別

寢所載較詳

二后諡曰端順曰柔貞五子長世宗

遼史紀事本末

卷三

八

次隆科

原作婁國

字密遜

原作勉辛

官武定節度使

攷異冊府元龜云時

戎主命兀欲弟留珪為滑州節

度處東丹舊地未知即隆科否

察克

原作察割

作亂手刃

之改南京留守應歷中謀逆事覺按問不服穆宗曰

朕為壽安王時卿數以此事說我今日豈有虛乎隆

科不能對及餘黨盡服遂縊於汗州

原作可汗州

西谷詔

有司擇絕後之地以葬次舒

原作京留守見景宗紀

吳王官上

次

隆先字團隱母大氏封平王留守東京薄賦省刑恤

貧好薦士與耶律實嚕

原作弟牙里果子

魯攷異續通考云倍

院大王封韓王官惕隱又北

同討高麗有功師還卒葬

道隱谷博學能詩有閭苑集行世

攷異續通考作道隆景宗保甯元年

封平

其子辰格

原作陳格亦作陳哥見卷九景宗紀

十七聖宗太平八年

坐事

誅次

道隱

母高氏生於唐

兵亂僧匿養之還京封蜀王性沈靜有文武才留守  
南京號令嚴肅民獲安業改封荆王卒追封晉王

遼史紀事本末卷三

遼史紀事本末卷四

貽封資政大夫 特賞內閣中書前江西峽江訓導萍鄉李有棠編纂

赫嚕佐命 蕭達魯等附

太祖卽位之元年春正月命赫嚕原作曷魯攷異滿

喝魯今改汪輝祖遼史同名錄云卷一神冊元年德

呼部額爾奇木葛魯等率百僚請上尊號卷六十六

皇族表烏蘇子喝魯因考卷七十三耶律曷魯傳烏

蘇之長子會羣臣請立太祖曷魯勸進嗣爲德嚕部

額爾奇木請建元率百僚上尊號所載悉合是曷魯

葛魯喝魯均係一人又卷六穆宗應歷二年阿克蘇

錫琳額爾奇木卷七應歷十七年豕人被殺卷九景

宗乾亨元年準布特里袞卷十六聖宗太平元年黨

項長卷六十六皇族表懿祖系北院大王卷七總軍

十屬國表天祚天慶五年族人七人同名曷魯

國事赫嚕字琨原作一字洪隱德嚕原作部人祖實

控溫

遼史紀事本末

卷四

一



默克

原作匣馬葛

簡獻

皇帝兄父烏蘇

原作偶思

約尼

原作遙輦時

爲本部額爾奇木

原作夷

赫嚕其長子也

攷異陳浩

云皇族表曰系出懿祖

考皇子表懿祖四子元祖第

三蘇拉早卒塔拉第二尼古察第四並無匣馬葛之

名卷七十三易魯傳亦未書懿祖後卷七十五廸里

傳六院部巴古濟後原作蒲古只父烏蘇兄赫嚕弟

伊濟伊濟子古哩因考列傳都沁烏魯斯叭雅里紐

幹哩哈爾吉浩善納延珠展德喀等諸人皆巴古濟

後與赫嚕並無親疏之分其所別爲簡獻性質厚幼

兄者非嫡兄不過同族初非懿祖後也

性

與太祖遊從父實嚕

原名錄云卷二十卷六十四六十

六並同卷三十七地理志作述特奇之既長與太祖

魯卷四十五作室魯均係一人

易裘馬爲好然赫嚕事之彌謹會實嚕爲其子華格

原作所弑太祖歸罪特依順爲解白是赫嚕常佩刀

猾哥

侍從以備不虞無何其父烏蘇病謂之曰安巴堅原作

阿保機

神畧天授汝率諸弟赤心事之及太祖視疾乃

執其手曰爾命世奇才吾兒赫嚕者他日可委任吾

已諭之矣太祖爲塔瑪噶賽特

原作撻馬絨沙里

參預部族

事赫嚕招小黃室韋來附太祖知其賢軍國事非赫

嚕議不行會討裕爾庫

原作越兀

與烏爾古

原作烏古

部赫嚕

爲前鋒戰有功太祖爲德喀部額爾奇木將兵討奚

部其酋珠爾

原作朮里

壘險莫能下命赫嚕持一笱往諭

爲所執因說之曰契丹與奚本一國漢人殺我祖奚

首額爾奇木怨刺骨日夜思報讐顧力弱使我乞援

傳矢示信耳

攷異儀衛志云木箭內箭為雄外箭為雌皇帝行幸則用之禮志勘箭儀帝乘

王輅至內門北面臣僚於輅前對班立勘箭官執雌

箭門中立東上閣門使詣車前執雄箭在車左右受

箭行勘畢付閣門使喚仗御箭一隻敕付左金吾仗行

木契正面為陽背面為陰閣門以契授西上閣門使

禮宣徽使請陽面木契至殿門以契授西上閣門使

行勘契官執陰木契云內出喚仗木契一隻准敕

付左右金吾仗行勘畢還授閣門使上殿納契宣

徽使受契閣門使下殿奉勅喚仗沈括夢溪筆談謂

勘箭本胡法宋初用之至熙甯時始罷今云傳矢示

信亦其額爾奇木受命於天撫下以德故能有此眾

今奚殺我違天背德不祥莫大焉且兵連禍結自此

始豈爾國利乎珠爾悅乃降太祖為裕悅

原作秉國于越

政欲命赫嚕代為額爾奇木辭從討黑車子室韋幽

州劉仁恭遣其將趙霸來援赫嚕伏兵桃山俟其半  
過與太祖合擊大破之室韋遂降太祖會李克用於  
雲中赫嚕侍克用心壯之曰偉男子爲誰太祖曰吾  
族赫嚕也會約尼哈陶津汗

原作痕德  
欽可汗

殂羣臣奉遺

命請立太祖辭曰昔吾祖聶哱

原作雅里

嘗以不當立而

辭今若等復爲是言何歟赫嚕進曰曩吾祖時遺命  
弗及符瑞未見特爲國人所推戴耳今先君言猶在  
耳天人所與若合符契不可違也太祖曰遺命固然  
汝焉知天道赫嚕曰聞裕悅之生神光屬天異香盈  
幄夢受神誨龍錫金佩天道無私必應有德我國削

弱齟齬於隣部日久故生聖人興起之汗知天意故  
有是命且約尼九營棋布非無可立者臣民屬心裕  
悅天也天時人事幾不可失太祖猶未許是夜獨召  
赫魯責之對曰在昔聶哱辭位而立蘇爾威原作爲  
汗相傳十餘世紀綱隳壞委質他國若綴旒然興王  
之運實在今日太祖乃許之命赫魯總軍國事焉  
始置行營腹心部選諸部豪健二千餘充以赫魯及  
蕭達魯原作敵魯總之時制度未講用度未充扈從未備  
而諸弟埒克等往往覬非望故也

五年夏五月皇弟埒克等謀反命赫魯總領軍事討

平之

八年春正月甲辰以赫嚕爲德喀部額爾奇木時更兵燹赫嚕撫輯有方畜牧益滋國愈富庶

九年春正月烏爾古部叛赫嚕等討破之自是震懾不敢復叛

神冊元年春二月丙戌朔赫嚕等率百僚請上尊號

三表乃允拜赫嚕爲阿勒達爾

原作阿魯敦言盛名也又作阿盧朵里

裕悅

原作于越攷異續通考云遠北面于越府有大

遼之世以于越得重名者三人耶律曷

魯屋質仁先謂之三于越所載較詳

時伐西南諸

夷數爲前鋒

二年春二月從侵幽州與唐節度使周德威戰汗州  
西敗之遂圍幽州太祖因暑雨班師留赫魯與盧國  
用守之俄救兵至遂退

三年秋七月己酉皇都畢工燕羣臣以落成赫魯遵

疾卒年四十七既葬賜名其阡諱達原作宴答山曰裕悅

谷詔立石紀功太祖流涕曰斯人若登三五載吾謀

蔑不濟矣後太祖二十一功臣各有擬以赫魯爲心

云清甯間命立祠上京子塔拉原作惕刺薩喇原作撒刺俱不

仕弟廸里原作覲烈宇裕勒沁原作兀里軫一作赫魯卒

爲德喀部額爾奇木屢從征有功官終南京留守弟

伊濟原作羽之小字烏里原作兀里初爲中臺省右次相以鎮

撫有功加守太傅遷左相子和哩終東京留守

同時蕭達魯原作敵魯字敵輦舒嚕原作述律皇后弟其母爲

德祖女弟達魯性寬厚膂力絕人太祖潛藩日侍左

右凡征討必與行陣旣卽位與弟阿古齊原作阿古只一作遏

古只攷異汪輝祖遼史同名錄云卷一神冊二年及卷六十七外戚表敘作阿骨只神冊三年及卷七十

三傳作阿古只均係一人卷九十六蕭惟信傳祖知平州卷一百四耶律古雲傳父節度使三人同名阿

古只耶律實嚕原作釋魯俱總宿衛達魯拜北府宰相世與

其選及征奚與討劉守光達魯畧地海濱殺獲甚衆

未幾埒克等作亂潰而北走率輕騎追之兼晝夜行



至榆河敗其黨獲埒克以獻賞賚甚渥復討西南夷  
論功最神冊三年十二月卒達魯有膽畧臨陣親冒

矢石所向必克在太祖功臣列喻以手云弟阿古齊

字薩巴

原作撒本

驍勇善射臨敵敢前每射甲楯輒洞貫

太祖立總腹心部埒克叛舒嚕后軍黑山阻險自固

太祖命阿古齊統兵往衛之逆黨不敢犯埒克北走

與達魯追擒於榆河從討西南夷有功又徇下山西

諸郡縣敗周德威軍神冊三年拜北府宰相世其職

天贊初與王郁畧地燕趙破磁窰鎮

攷異冊府元龜云莊宗同光初

滄州奏偵間契丹國舅撒剌宴送羊馬於幽州申和好二年八月幽州進契丹國舅撒剌宴書按是時爲

遼天贊初舒嚕后弟蕭阿古只爲北府宰相畧地燕趙所謂撒刺宴疑卽阿古只也本傳云字撒本見遼史拾遺

太祖西征悉委以南面邊事攻渤海拔扶餘城

敗老相兵三萬復與康默記討平叛黨會鴨綠府援

兵七千至勢甚張獨帥麾下擊敗之斬馘二千餘遂

克輝發原作回跋城以病卒功臣中喻爲耳云子安團官

右皮室詳袞原作詳穩耶律實納齊原作斜字薩喇原作

撒刺攷異遼言酒尊曰六院部人太祖卽位掌腹心

部天贊初分德哱爲北南院實納齊爲北院額爾奇

木太祖西征至流沙軍威大振諸夷潰散實納齊奉

詔撫輯之從討渤海破扶餘城與大元帥率衆夜圍

輝發城大譚譔降俄復叛命諸將分地攻之詰旦感

勵士卒鼓譟登陣敵震懾莫敢禦遂克之天顯中卒

居佐命功臣之一姪隆科

原作老古攷異汪輝祖遼史同名錄云卷六穆宗應

歷二年司徒卷七應歷十六年樞密使門吏被殺頗

德隆科字薩蘭

原作撒懶

其母舒嚕后姊從平塔克亂授

右皮室詳袞典宿衛從侵燕趙與唐兵戰雲碧店被

創卒佐命功臣其一也頗德字烏庫哩

原作兀古隣天顯

初爲左皮室詳袞典宿衛遷南院額爾奇木治有聲

援石敬瑭降張敬達會同初爲德嘒部大王加採訪

使卒官

攷異皇族表云不知世次北院額爾奇木實納齊右皮室詳袞隆科大院佛德政事令特

烈北院大王赫魯原作曷魯南院大王烏頁按六人  
本傳均稱尼古察後表謂不知世次者但不知爲尼  
古察幾世孫耳宏簡錄云統和二年頗德爲南京統  
軍使四年敗宋人於固安俘獲甚衆擢檢校太師傳  
未載又耶律欲穩傳圖魯卜部人祖塔雅克約尼時  
爲北邊伊喇配享廟庭太祖始置宮衛欲穩首附宮  
籍及平埒克亂遷奚德時部額爾奇木從征渤海有  
功天顯初卒後諸帝取其子孫爲友宮分中稱八房  
皆其後也弟轄里康默記本名照少爲薊州衙校太  
終奚六部圖理

祖得之隸麾下一切蕃漢相涉事折衷悉合時諸部  
新附文法未備默記論決輕重不差毫釐人咸謂不  
冤拜左尙書神冊三年建皇都默記董役百日訖事  
五年爲皇都伊勒希巴原作夷從太祖師出居庸關  
將漢軍進逼長蘆水寨俘馘甚衆及征渤海默記分

兵薄東門先登克其城復與韓延徽下長嶺府軍還  
所下城邑復叛又與阿古齊討平之太祖崩命營山  
陵畢卒爲佐命功臣之一孫延壽官保大節度使

高模翰

一作高謨翰攷異  
歐史作高牟翰

一名松渤海人有膂力善

騎射好談兵太祖平渤海模翰避地高麗王妻以女  
因罪亡歸坐使酒殺人下獄太祖知其才貰之天顯  
十一年唐將張敬達等攻太原石敬瑭告急命模翰  
等將兵赴援大破敬達軍太原圍解太宗賜以酒饌  
復戰又敗之敬達走保晉安寨尋爲楊光遠殺之以  
降諸州悉下太宗謂之曰朕自起兵百餘戰卿功第

一雖古名將無以加乃授上將軍會同元年冊禮成宴百官指模翰謂曰此國之勇將朕統一天下斯人力也及晉背盟出師南侵模翰爲統軍副使兼總左右鐵鵠子軍下關南城邑數十時楊覃赴乾甯軍被圍模翰與趙延壽往援俄有光自模翰目中出縈繞旗矛燄燄如流星久之模翰喜曰此天贊之祥也遂進兵殺獲甚衆以功加侍中晉太傅以麾下三百人破晉杜重威軍十萬殺其將梁漢璋手詔褒美比李陵令守中渡寨復敗晉兵重威降及入汴加特進封荝郡開國公遷鎮中京應歷中歷中臺省左相卒

通鑑紀事本末卷四

遼史紀事本末卷五

贈封資政大夫特賞內閣中書前江西峽江訓導萍鄉李有棠編集

韓延徽輔政

韓知古等附

太祖神冊元年春二月丙申太祖稱帝以韓延徽守政事令崇文館大學士中外事悉令參決延徽字藏明幽州安次人幼英敏事劉仁恭爲觀察度支使後守光爲帥時與六鎮構怨延徽力諫不聽遣之來聘不屈太祖留之使牧馬於野舒嚕原作述律后言於太祖乃召與語引爲謀主攻黨項室韋諸部其謀居多因請樹城郭分市里以居漢人之降者又爲定匹偶教



墾藝以生養之

攷異續通考云國中官田許人耕種始聖宗和七年五月詔燕樂密雲

二縣荒地許民耕種免其賦役十五年二月詔品官

曠地令民耕種三月募民耕灤州荒地免其賦稅十

年道宗咸雍十年三月詔南京除軍營地餘皆得耕

種天祥乾統七年五月諸園場隙地縱民樵採所載

甚由是逃亡者少久之思歸賦詩見意遂奔晉已而

與他將王緘

攷異契丹國志及通鑑俱作幕府掌書記不協懼及禍乃省

親幽州匿故人王德明舍德明問所適曰吾將復走

契丹德明不以爲然延徽曰彼失我如失左右手其

見我必喜旣至太祖問故對曰忘親非孝棄君非忠

臣雖挺身逃臣心在陛下臣是以復來太祖大喜待

之益厚因賜名實喇

原作實喇遼言復來也嗣晉三

匣列

使來延徽寓書敘所以北去之意且以老母爲托并  
曰延徽在北契丹必不南牧故終同光世兵不深入  
延徽力也

天贊四年冬十二月乙亥太祖征渤海韓延徽從行  
天顯元年春正月己巳渤海大譴譟乞降復叛韓延  
徽與諸將破其城以功加左僕射又與康默記攻長  
嶺府拔之師還值太祖崩哀動左右太宗朝封魯國  
公從援石晉得幽燕地兼樞密使同平章事使晉還

改南京三司使

攷異食貨志云賦稅之法自太祖任韓延徽始制國用太宗籍五京戶丁

以定賦稅聖宗初年以上京雲威戶貲貝實饒善避徭役遺害貧民遂勒各戶凡子錢到本悉送歸官與

民均差統和中耶律昭言西北之衆每歲農時一夫  
偵候一夫治公田二夫給紉官之役當時治邊各置  
屯田戍兵易田積穀以給軍饗故太平七年詔諸屯  
田在官斛粟不得擅貸其屯者力耕公田不輸賦稅  
此公田制也餘民應募或治在官閒田或治私田則  
計畝出粟以賦公上各部大臣從上征伐俘掠人戶  
自置郭郭爲頭下軍州凡市井之賦各歸頭下惟酒  
稅赴納上京此分頭下軍州賦爲二等也先是遼東  
新附地不榷酤而鹽麴之禁亦弛馮延休韓紹勳相  
繼變法遂起延琳之亂南京歲納三司鹽鐵錢折絹  
大同歲納三司稅錢折粟開遠軍故事民歲輸斗粟  
折五錢耶律穆濟守郡表折六錢亦皆利民善政也  
延徽傳未載其制國用事

世宗天祿三年夏六月河東使請行冊禮帝召延徽  
定其制延徽奏一從太宗冊晉帝禮從之明年春二  
月建政事省改延徽南府宰相設張里具稱盡力吏

穆宗應歷中致仕子德樞鎮東平詔許每歲東歸省  
九年卒贈尙書令世爲崇文令公先是延徽南奔太  
祖夢白鶴自帳中出比還復夢入帳中詰旦謂侍臣  
曰延徽來矣已而果然太祖初元庶事草創延徽爲  
之營都邑建宮殿正君臣定名分法度井然爲佐命  
功臣之一子德樞由特進太尉授遼興節度使威惠  
大行入爲南院宣徽使同平章事封趙國公孫紹勳  
仕至東京戶部使會大延琳叛被執不屈死紹芳重  
熙間參知政事兼侍中以諫征元昊出爲廣德節度  
使聞兵敗嘔血卒孫資讓壽隆中拜中書侍郎同平

章事改鎮遼興  
攷異宏簡錄資議大安八年參知政

金石文跋尾云右玉石觀音像詩碑首唱者崇祿大

夫檢校太師行鴻臚卿英辨大師賜紫沙門智化

之者兵部尚書兼門下侍郎平章事鄭若愚左僕射

兼中書侍郎平章事韓資讓兵部尚書興中尹趙廷

睦諸行宮都部署尚書左僕射梁援特進禮部尚書

參知政事趙長敬觀書殿學士翰林學士行尚書禮

部侍郎知制誥馬元俊中大夫昭文館直學士知御

史中丞開國侯劉瓌度支使金紫崇祿大夫行尚書

禮部郎史仲愛乾文閣待制史館修撰曲正夫朝請

大夫守秘書監開國伯賜紫金魚袋王執中南面統

行宮都部署  
尚書吏部員外郎于復先前樞

密院吏房承旨行殿中少監王仲華朝議大夫知制

誥開國子孟初朝散大夫司農少卿知度支副使楊滌瑕守殿

紫金魚袋張議司農少卿知度支副使楊滌瑕守殿

中少監知析津縣事李師範  
御史中

丞賜紫金魚袋李  
提點弘法守將作監張

內藏副都監朝散大夫尚書虞部郎中借紫冠  
殿中丞直史館張塢左承制閤門祗候韓汝礪崇祿

大夫檢校司徒辨慧詮正大師賜紫沙門善凡二  
十二人書石并篆額者門人講華嚴經苾芻性煦也  
立碑年月則壽昌五年九月也遼史韓延徽傳資讓  
壽隆中拜中書侍郎平章事道宗紀壽隆三年四月  
南府宰相趙廷睦出知興中府事九月以梁援爲漢  
人行宮都部署碑載三人結銜皆與史合碑有平章  
事鄭若愚參知政事趙長敬而遼史無之惟本紀壽  
隆元年見參知政事趙孝嚴六年見宰相鄭顗官同  
姓同而名則互異不可解  
也見楊復吉遼史拾遺補

同時有韓知古者薊州玉田

攷異王大智玉田縣志

九州記古漁陽北無終山上有昭王墓焦相薊州志  
云徐無山在玉田縣城東北二十里後漢田疇避難  
於此開山圖載山出一名翁同山又名陰山在漁陽縣  
寢宇記云無終山一名翁同山又名陰山在漁陽縣  
西北四里神仙傳云仙人帛仲理遼東人隱居無終  
山和丹煉金以救百姓于寶搜神記云無終山有陽  
雍伯玉田陽雍伯洛陽人父母沒葬此山上無水汲  
水作義漿以飲行者有人遺石子一升種之後得五

遼史紀事本末

卷五

四

雙白壁以聘徐氏女得爲妻石邦政豐潤縣志云大  
天宮寺在城西南遼清甯元年鹽監張日成建有塔  
十三級初名南塔院壽昌三年賜額極樂院至金宋  
修好行府悉寓此天會五年敕賜今名豐潤本玉田  
永濟務今置永濟人也善謀有識量幼爲舒嚕后兄  
縣大安初改今名人也善謀有識量幼爲舒嚕后兄  
欲穩攷異陳浩遼史攷證云卷七所得后來嬪知古  
從焉久未得見因其子匡嗣得親近太祖因間言之  
召見與語知其賢命參謀議神冊初遙授彰武節度  
使攷異太祖紀未建元之三年破劉守光詔左僕射  
韓知古建龍化州神德碑是知古在神冊前已官  
左僕射與傳異七年詔羣臣分久之信任益篤總知  
決滯訟以知古總其事傳未載漢兒司事兼主諸國禮儀時儀法疎濶知古援據故  
典參酌國俗與漢儀雜就之使國人易知而行攷異續通

考云穆宗立詔朝會用嗣聖皇帝故事用漢禮有正旦冬至朝賀儀常朝起居儀正座儀帝后及太后生辰朝賀儀宰相中謝儀拜表儀立春重五重九儀再生禮賀祥瑞儀平難儀皇帝受冊儀太后冊儀納后冊后冊太子儀賀生皇子儀冊王妃公主儀公主下嫁儀宋使見帝及曲宴朝辭賀生辰儀見太后及朝辭儀高麗使夏使各儀均詳禮志巡狩所至有問聖體儀車駕還京儀勘箭儀又遼代著禮書者有耶律庶成蕭韓家奴外有遼朝雜禮均見黃虞稷金陵黃氏書目

進左僕射與康默記

將漢軍征渤海有功遷中書令天顯中為佐命功臣

之一子匡嗣以善醫直長樂宮后視之猶子應歷十

年為太祖廟詳袞

原作詳穩

景宗在藩邸與之善即位拜

上京留守封燕王改南京留守終西南招討使贈尙

書令

攷異景宗紀乾亨元年匡嗣降封秦王傳未載其為西南招討使傳載在乾亨二年紀繫之三



年又子德源官平章事節度使攷異德源傳統和中官崇義興國二軍節

度按德源以乾亨初卒不應卒在先德讓卽隆運德而仕反在後則統和當繫保甯之誤

威剛介善馳射屢厯行陣仕至開府平章事贈侍中

子帕克戩原作零金終彰國節度使二孫色實原作謝十攷異陳浩

遼史攷證云卷十七聖宗太平八年官特哩袞原作惕隱達

年永興宮都部署色實另一人

嚕噶原作魯古漆水郡王西北招討使十五年坐賊免

官十七年復封爵事績悉與官南府宰相封漢王德

傳合是滌魯卽係敵魯古

崇善醫累官武定節度使子制心官南院大王封燕王贈政事令制心以皇后外弟恩遇日隆每內宴歡洽輒避之后不悅制心曰寵貴鮮能長保以是爲憂

耳太平中制心一日沐浴更衣卧家人聞絲竹之聲

俄而逝矣追封陳王守上京時酒禁方嚴有捕送私

醕者一飲而盡笑而不詰卒之日部民若哀父母德

凝謙遜廉謹保甯中遷護軍司徒開泰閒累遷護衛

太保都宮使崇義節度使政異聖宗紀統和三年由

泰當係統終大同節度使子果桑原作郭三政異汪

和之說云卷十七興宗重熙十年石硬寨太保卷二十官天

五道宗大安八年奚六部圖哩三人同名郭三官天

德節度使孫高嘉努原作高家奴政異陳浩遼史攷

延昌宮使官南院宣徽使果實原作高十官遼興節度使

另一人政異宏簡錄云滌魯封隋張礪磁州人仕唐爲翰

王高十官南府宰相稍異

林學士從趙德鈞援張敬達兵敗來降志云異契丹國

陽人初從繼岌入蜀為掌書記潞王時以翰林學士

為行營判官兵敗隨德鈞入契丹冊府元龜云初為

舉子在梁依翰林學士李愚貞明中自河陽北歸莊

宗版授太原府掾出入崇達之間掄揚愚之節槩及

愚所為文仲尼遇顏回壽夷齊非餓等篇人望風稱

之通鑑云天成元年正月馬彥珪奉劉后教害郭崇

韜并其子廷誨廷信左右皆窟匿獨掌書記張礪詣

魏王府勸哭久之薛史云礪字夢臣祖慶父寶世為

農幼嗜學有文藻唐魏王班師礪從副招討任園東

歸至利州會康延孝叛回據漢州園奉魏王命討延

孝礪請伏精兵誘以羸卒延孝果敗被擒四月五日至

意及戰酣發精兵擊之延孝果敗延孝監軍李延襲阻

鳳翔內官向延嗣奉莊宗旨誅延孝達詔養嗣是破

之園未決礪曰明公血戰擒賊安得達詔養嗣是破

檻放虎自貽其咎也公若不決余自殺此賊園遂誅

延孝天成初明宗召為翰林學士愚禮兵二部員外

郎未幾父妾卒托故歸淫陽間

居三年識者譴之所載較詳

太宗見其剛直有文

彩授翰林學士臨事盡言無所避益重之尋謀亡歸

為追騎獲太宗責通事高彥英不善遇杖之而謝礪

會同初升承旨兼吏部尚書從入汴諸將蕭翰耶律

耶五滿達原作麻答輩肆殺掠礪奏曰今大遼始得中國

宜以中國人治之不可專用國人及左右近習苟政

令乖失則人心不服雖得之亦必失之不聽改右僕

射兼平章事攷異歐史云德光給趙延壽貂蟬冠礪

三品冠服礪不肯服延壽別為王者冠

礪亦冠貂蟬冠以朝儀衛志云太宗定衣冠之制北

班固制南班漢制各從其便國服中有祭服遼以祭

山為大禮服飾尤盛大祀帝服金文金冠白綾袍紅

帶小祀帝服硬帽紅緯絲龜文袍后戴紅帕服絡縫

紅袍臣僚命婦服飾各從本部旗幟之色朝服帝服

實魯衮冠絡縫紅袍垂飾犀牛帶錯絡縫鞞謂之國

遼史紀事本末

卷五

七

服袞冕太宗更以錦袍金帶公服謂之展裹著紫重  
熙末詔入房族巾幘清甯中詔非動戚後及有職事  
人不帶巾皇帝紫皂幅巾紫窄袍玉束帶或衣紅襖  
臣僚亦幅巾紫衣田獵服帝幅巾授甲戎裘以貂裘  
或鵝項鴨頭爲扞腰蕃漢諸司使以上並戎裘衣皆  
左衽黑綠色至漢服中祭服終遼之世郊邱不建大  
裘冕服不書袞冕祭祀宗廟遣上將出征飲至踐祚  
加元服納后若元日朝會則服之金飾垂白珠十二  
旒以組爲纓色如其綬鞋纁充耳玉簪導元衣纁裳  
十二章朝服帝服通天冠加金博山附蟬十二首施  
珠翠絳紗袍冬至入朝服遠游冠三梁寶飾五品以  
冊元旦冬至入朝服遠游冠三梁寶飾五品以上進賢  
珠翠三品以上進賢冠三梁寶飾五品以上進賢冠  
二梁金飾公服帝服翼善冠冠朔視朝用之拓黃袍九  
環帶白練裙襦六合鞬一品至五品冠幘纓簪導絳  
紗單衣白裙襦革帶常服曰穿執言穿鞬執笏也帝  
拓黃袍衫折上頭巾九環帶六合鞬起自宇文氏太  
子進德冠九琪金飾五品以上幘頭紫袍牙笏六品  
以下幘頭緋衣木笏八品九品以上幘頭綠袍契丹國  
云番官戴羶冠上以金華爲飾或加珠玉翠毛蓋漢

魏時遼人步搖冠之遺制又丈夫武緣巾緣花窄袍  
中單多紅綠色貴者被貂裘以紫黑色為貴青為次  
又有銀鼠尤潔白賤者被貂毛羊鼠沙狐裘弓以皮  
為弦箭削樺為箛鞬勒輕快便於馳走孟元老東京  
夢華錄云正旦大朝會遼大使頂金冠後檐尖長如  
大蓮葉服紫窄袍金蹠蹠副使展裏金帶如漢服沈  
括夢溪筆談云帶衣所垂蹠蹠蓋欲佩帶弓劍帔輓  
算囊刀礪之類江休復嘉祐雜志云青貂穴死牛腹  
掩取之紫貂升木射取之黃色乃其老者銀貂最貴  
主服之駝鹿重三百斤效其聲致之茸如茄者切食  
之所載未幾太宗崩礪在恒州蕭翰與滿達以兵圍  
各異

其第數之曰汝何故言國人不可為節度使及留我

守汴汝獨以為不可又譖我與嘉哩

原作解里

好掠人財

物子女今必殺汝趣令鎖之礪抗聲曰此國家大體

安危所繫吾實言之欲殺即殺何以鎖為滿達以礪

大臣不可專殺救止之是夕礪憤恚卒

攷異冊府元龜云礪官翰

林開運末與虜居南松門之右軒轡交織多繼燭接

語無倦色因密言曰契丹用法如此豈能久處漢地

及北去道路有觴酒豆肉必遺故客屬僚死之日囊

裝惟酒食器皿而已識者高之薛史云礪平生抱義

憐才急於獎拔聞人之善必攘袂以稱之見人之貧

則倒篋以濟之故死之日中朝朝士大夫皆嘆惜焉傳

均未載日下舊聞考云燕京琉璃廠有遼御史孟皓

李內貞墓其誌石則乾隆三十六年工部郎中孟皓

得之審厥文云大遼故銀青崇祿大夫檢校司空行

太子左衛率府率御史上柱國隴西李公諱內貞字

吉美馮汭人唐莊宗舉秀才除授將佐郎試祕書

省校書郎守雁門縣主簿次授儒林郎試大理寺守

媯州懷來縣丞亂後歸遼太祖一見器之加朝散大

夫檢校工部尚書兼御史中丞賜紫金魚袋兼屬珊

部提舉使太宗初改銀青光祿大夫檢校尚書右僕

射兼御史大夫世宗加檢校尚書左僕射故燕京留

守南面行營都統燕王達喇以公才識俱深委寄權

要補充隨使左都押衙中門使兼知廳勾次攝薊州

刺史次授都舉銀治都監景宗改檢校司空兼御史大夫上柱國次行太子左衛率府率保甯十年六月一日薨於盧龍坊私第年八十其年八月八日葬於京東燕下鄉海王村按內貞仕遼官品甚崇而國史無傳附載於此陳士元諸史夷語云應天皇后從太祖征討所俘人有技藝者置之帳下爲屬珊部蓋比珊珙之寶云



遼史紀事本末卷五

遼史紀事本末卷五

遼史紀事本末卷六

賜封資政大夫特賞內閣中書前江西峽江訓導萍鄉李有棠編纂

西北部族屬國叛服

大祖卽位之元年春二月黑車子室韋八部降

表作冬十月討黑車子室韋破之

攷異部族表作十月杜佑通典云

室韋有五部後魏末通焉并在靺鞨北路出柳城東

北近者三千五百里遠者六千二百里諸部不相統

攝一南室韋二北室韋三鉢室韋四深末怛室韋五

大室韋突厥常以吐屯番王統領之至唐分爲九部

宋祁云室韋爲契丹別種居東胡北邊蓋丁甯苗裔

地據黃龍北傍獨越河西南去長安七千里地分七

部宋台續通典云室韋別種爲黑車子距漢界千餘

里胡嶠陷北記云黑車子善作車帳其人知孝義地

貧無所產室韋有三一室韋二黃頭室韋三獸室韋

地多銅鐵金銀人工巧器皆精好善織毛錦地尤寒

遼史紀事本末卷六

馬湖至地成水堆在今黑龍江西北食貨志云坑冶  
之制自太祖併室韋地產銅鐵金銀其人善作銅鐵  
器又曷朮部多鐵曷朮國語鐵也一作哈準部置三  
冶曰柳濕河曰賽音楚古爾蘇曰手山神册初平渤  
海得廣州本渤海鐵利府改爲州地亦多鐵東平縣  
本漢襄平縣故地產鐵州置鍊者三百戶隨賦供  
納以諸坑冶多在國東故東京置戶部司長春州置  
錢帛司太祖征幽薊師還次山麓得銀鐵州命置冶  
聖宗太平間於潢河北陰山及遼河之源各得金銀  
興治採鍊自此訖天祚國家皆賴其利又興宗重  
熙二年十二月禁夏國使沿路私市金鐵道宗清甯  
八年十一月禁南京不得私貨鐵咸雍六年七月禁  
醫生熟鐵於同紇阻  
卜等界見續通考

二年夏五月癸酉命皇弟特哩衮原作薩喇撒刺討

烏丸及黑車子室韋

三年冬十月己巳遣鷹軍討黑車子室韋破之西北

烏梁海攷異部族表作盟娘改屬部族進牽車人攷

張舜民使遼錄云契丹上京有人見二青衣駕赤犢車出其中別有天地花木繁茂云此是兜元國也表

載未

四年冬十月烏滿原作馬山奚庫濟原作庫支及札魯特原作

查刺超默特原作劔等部叛討平之

五年春正月丙申太祖親征東西奚部平之於是盡

有奚嘗之地五部咸入版圖攷異唐書貞觀末奚內附以其地為饒樂府而

以阿會部為弱水州處和部為耶黎州奧失部為洛

環州度稽部為太魯州元侯折部為渴野州皆統於

營州武后時叛附契丹開元二年奚部李大酺來降

授饒樂都督元和初奚王海落可入朝封郡王唐末徙居陰涼川地方三千為契丹滅復徙琵琶川去幽州數百里今大甯衛廢利州境通典云庫莫奚其

先東部鮮卑別種爲慕容皝所滅竄居松漠分五部  
一辱統主二莫賀弗三契箇四木崑五室得理每部  
置俟斤一人後唯阿會氏最盛唐末受制於契丹有  
去諸者徙媯州依北山而居自別爲西奚而東奚在  
琵琶川者亦爲契丹併詳文獻通考歐史云五部奚  
一阿薈二啜米三粵質四怒皆五黑靺鞨支王溥五代  
會要啜米作啜米末粵質作奧質怒皆作奴皆黑靺  
作黑靺支薛史云奚之先爲匈奴破保烏丸山分五  
姓皆有辱統主爲統領金史云庫莫奚歷元魏周隋  
唐皆兵強後契丹破之西保隆科留者臣契丹號東  
西奚有五世族與契丹帳六十二族所載各異胡三省  
通鑑注云沈括言奚人業伐山種陸種斲車契丹之  
車皆資於奚按輜車之制如山種陸種斲車契丹之  
材儉易敗不能任重而利於行山長輟廣輪之以牙  
其厚不能四寸而軫之材不能五寸其乘牛駕之以  
橐駝上施旒惟富者  
秋七月壬午朔錫爾丹斜離  
泊諸蕃使來貢

七年冬十月戊寅和州回鶻來貢

攷異王溥唐會要云貞元五年回紇

使李義進請因咸安公主下降改紇為鶻字蓋欲誇其國俗俊健如鶻也本匈奴別種先曰袁紇曰烏護曰烏紇曰韋紇後為同紇居薛延陀北娑陵水上去長安七千里初附突厥唐貞觀末擊殺薛延陀可汗內附九姓凡十一部暨滅突厥勢益強唐末為黠戛斯所破後遂微其別部在甘州等處者屢貢中國見唐史諸書

九年春正月烏爾古

原作鳥古

部叛討平之

神冊元年秋七月壬申太祖親征突厥

攷異冊府元龜云突厥本

匈奴別種居金山之陽金山形似兜鍪其俗謂兜鍪為突厥因以為號方輿紀要云初為西方小國姓阿史那氏世居金山至土門始強大嗣滅柔然漠北皆屬地方萬里唐執頡利遂內附天寶四載回紇擊殺白眉可汗突厥乃托歡原作吐渾攷異吐渾吐谷渾滅今蓋其遺種也托歡係二國紀表屢見今將吐渾

改托歡吐谷渾仍舊以示區別王溥五代會要云吐  
渾本吐谷渾也唐咸通中酋長赫連鐸從平徐方有  
功授振武節度復盜據雲中後唐武皇逐之其部族  
散居蔚州界有白承福者依中山地石門爲柵莊宗  
賜姓名李紹魯拜節度晉割隸契丹爲安重榮黨項  
誘歸國契丹來索晉高祖命張澄驅還舊地黨項  
攷異冊府元龜云黨項種有巖昌白銀狼東接臨洮  
西距葉護南北數千里處山谷間每姓別爲部落大  
者五千餘騎小亦千餘騎其人喜盜竊而多壽往往  
至百五六十歲王溥五代會要云古析支地漢西羌  
別種東至松州南接春桑述桑諸羌北連吐谷渾亘  
三千餘里有數姓爲細封氏費聽氏析利氏野辭氏  
房當氏米禽氏拓跋氏最爲強居慶州者號東山部  
居夏州者爲平夏部五代史有折氏野利氏而無折  
利氏野辭氏方與紀要云又黑黨項有二在銀夏以  
黨項居雪山下姓破丑氏按黨項有二在銀夏以北  
居川澤者爲平夏黨項在安鹽以南小蕃沙陀本西  
居山谷者爲南山黨項所載各異以南小蕃沙陀本西  
處月別種地在北庭大磧金娑山之陽蒲類海之東  
姓朱耶氏其後北徙遂爲後唐今巴里坤西北路天

山北有大諸部皆平之俘其酋長及器械無算

二年春三月己未裕庫噶原作于骨里叛命實噶原作以室魯

兵討之

三年春正月丙申以皇弟安圖原作安端爲特哩袞討西

南諸部

四年秋九月征烏爾古部還侍太后疾愈復還軍中

冬十月丙午命太子將先鋒兵擊破之俘獲無算自

是舉部來附以烏爾古奚爲圖噶原作圖盧納里原作湟南阿

爾威攷異續通考作奧畏三部師次裕庫噶原作于骨里分路擊之

舉國內附



天贊元年夏六月遣鷹軍擊西南諸部以所獲賜貧

民冬十月甲子分德呼原作送刺部爲二院

二年春三月戊寅討奚呼遜原作胡損獲之置奚托輝原作

墮部攷異陳士元諸史夷語云奚酋胡損門名夏

六月辛丑波斯國來貢攷異王溥唐會要云國在京

故事大祿者皆詣波斯受法焉以六月一日爲歲首

地多名馬及駿犬今所謂波斯犬也冊府元龜云波

斯國其先有波斯匿王者子孫以王父字爲氏因爲

國號方輿紀要云在拂菻之東漢西域條支國也紀

三年夏六月乙酉西討托歡黨項準布原作阻卜一作卓本布

秋七月辛亥哈喇原作曷刺等擊索歡納原作索山東部

族破之八月遣騎攻準布九月破呼穆蘇

原作胡山母思

番部冬十月丁卯遣兵踰流沙拔浮圖城盡取西鄙

諸部尋獲甘州回鶻烏穆珠汗

原作烏母主可汗攷異太祖紀作遣使諭

降不言獲今從屬國表

四年春二月丙寅大元帥耀庫濟

原作垚骨

畧黨項獻其

俘前後從征萬里所向有功冬十一月日本國

攷異文獻

通考云倭在韓及帶方郡東南大海中惡倭音更號

日本宋雍熙元年本國僧裔然等浮海獻銅器十餘

事并本國職貢今年代紀各一卷國中有五經及佛

書白居易集七十卷土宜五穀而少麥交易用銅錢

文曰乾文大寶國王姓王傳襲至今六十四世文武

僚吏皆世官東奧州產黃金西別島出白銀以為貢

玉海云裔然言國中多中國典籍因出孝經一卷越

王正孝經新義一卷元豐元年閏正月日本僧仲廻

貢方物乾道九年五月新羅國改異王溥五代會要云  
月貢方物所載甚詳西接百濟東西千里南北二千里唐封樂郎郡南鄰高麗  
其國為雞林州世以金氏為都督文獻通考云新羅  
東濱大海雜有華夏高麗百濟之屬兼有沃沮不耐  
蕨澱之地後唐同光元年王金樸英遣使朝貢後漢  
書澱貊亦屬樂浪有果下馬高三尺乘之可於果樹  
下行徐堅初學記澱國出果下馬漢時獻之高三尺  
冊府元龜云澱貊南接辰韓北與高句麗  
沃沮接東窮大海朝鮮之東皆其地也

天顯元年春正月太祖親征渤海國平之其安邊鄭  
頡定理三府尋叛復定

二年冬十二月女直國遣使來貢

三年

太宗不改元

春正月己未黃龍府羅寧

原作羅涅

河女直

達囉克

原作達盧古

來貢

夏五月丁卯命林牙圖魯卜

攷異蒙古語形勢也舊作突呂不今譯改討烏爾古部尋獻俘 秋七月

突厥來貢冬十一月丙子布古德原作鼻骨德攷異天祚紀原作鼻古

德百官志作鼻國德又作鼻來貢德骨亦作鼻骨均係一部

五年夏六月己未達魯特原作敵烈德攷異部族表作德吟云原作敵烈得卷

十五開泰四年作迪烈得百官志又作迪烈德均係一部畢沅續通鑑作德吟勒爲遼外十部之一也

來貢秋七月壬申烏爾古來貢

六年春正月甲子西南邊將以慕化哈噶斯原作轄憂斯疑

卽黠戛斯在廢庭州北七千里卽古堅昆國歐史契丹附錄轄憂在 姬厥律之西胡嶠陷北記云契丹西

則突厥回紇西北至姬厥律地苦寒水出大魚多黑

白黃貂鼠皮諸國仰之其西轄憂又其北單于突厥皆與姬厥律畧 國人來乙丑達魯特來貢同所載各異

七年冬十一月丁亥遣使存問呼哩

原作獲里

國丁未準

布貢海東青鵲

八年春正月戊子女直來貢庚子命皇弟魯呼

原作李胡

率兵伐黨項克之尋遣使來貢夏六月甲寅準布來

貢甲子回鶻阿爾斯蘭

原作阿薩蘭

來貢

十年春三月戊午黨項來貢夏四月吐谷渾酋長推

勒伊德

原作退欲德

率眾內附

攷異會海菁華云本遼東鮮卑也西晉時酋帥徒何

涉歸生

二子庶長曰吐谷渾正嫡曰若洛廐伐統部

落別為

慕容氏渾分七百戶因馬關度隴止枹罕子

孫據有

甘松之南洮水之西極於白蘭在益州西北

有青海

周回千餘里海中有小山產馬號龍種時稱

青海驄焉

宋白續通典云吐谷渾謂之退渾蓋語急

而然聖

歷中吐蕃陷安樂州眾東徙散在朔方方輿

紀要云在陝西塞外古析支地廐庶兄吐谷渾度隴  
居洮水保白蘭山地方數千里稱河南王孫葉延因  
號其國曰吐谷渾唐初李靖討之伏允走死自是始  
衰龍朔三年為吐蕃滅此蓋其遺裔也紫陽綱目云  
吐谷渾自號河南王有子六十人長子吐延嗣為羗  
酋所殺子葉延立孝而好學以為禮公孫之子得以  
王父字為氏乃自號其國曰吐谷渾又云鮮卑謂兄  
為阿于吐谷渾西徙廐追思之為之作阿于之歌

十一年夏四月癸酉女直諸部來貢六月戊午朔布

古德來貢乙酉吐谷渾來貢秋七月壬辰佛古寧原作

蒲割公主率三河烏爾古來朝伊奇理原作于廐里來貢

攷異太宗紀未載今從部族表

十二年冬十一月丁卯鐵驪來貢攷異通典云鐵勒

自西海之東依據山谷並有君長屬東西兩突厥性兇惡善騎射突厥用以制北荒十六國慕容垂時北

塞後魏末河西並云有敕勒部鐵勒蓋言訛也金史云奚有其地號稱鐵勒州亦作鐵驪州紀載各異

會同元年春二月壬午室韋進白廐戊子鐵驪來貢

秋八月戊子女直來貢庚子吐谷渾烏孫通典云國名號大昆

彌理赤谷城去長安八千九百里內靺鞨水靺鞨本

地五千里行國隨畜牧與匈奴同俗靺鞨水靺鞨本

號勿吉東至海南界高麗西接奚厥北鄰室韋古肅慎氏地眾分數十部黑水靺鞨最處其北勁悍無文

字之皆來貢三年春二月庚子烏爾古遣使獻伏鹿國俘賜其部

額爾奇木原作夷旗鼓以旌其功 秋八月乙巳準

布及噶里原作國來貢 九月壬午邊將奏破吐谷

渾擒其長 珠巴克原作尤三部人來貢

四年春正月納喇

原作涅刺攷異卷二十九作尼刺係一部

捏威

原作烏瑰

二部伊實

攷異唐古特語智慧也舊作乙室今譯改

丕勒

原作品

圖吉

原作矣舉

三部均來上黨項俘獲

夏六月阿勒達

原作阿里

底來貢

紀未載今從部族表

冬十一月庚午吐谷渾請降撫諭

之

五年夏六月丁巳托克托呼

原作徒親姑

蘇色

原作素撒

國人

來貢 冬十月己巳詔徵諸路兵遣將軍默赫特

原作

密骨德

伐黨項

六年夏六月丁未朔鐵驪來貢己未奚超默特部進

白麕

攷異太宗紀超默特作楚庫勒原作鋤骨里考部族表六年六月鋤勃德部進白麕恐係一部



遼史紀事本末

卷六

八

七年夏六月乙巳紳穆哩

原作維  
沒里

約羅

原作  
夏里

諸國來

貢秋八月辛酉回鶻遣使請婚不許

八年夏六月戊辰回鶻來貢辛未吐谷渾布古德來

貢辛巳黑車子室韋來貢冬十一月戊戌女直鐵驪

來貢十二月乙丑戊辰臘賜諸國貢使衣馬

九年春正月庚子回鶻來貢丁未女直來貢二月戊

辰布古德奏軍籍三月己亥吐谷渾軍校蘇呼

原作  
恤烈

獻生口千戶授檢校司空夏四月辛酉朔吐谷渾伯

克齊

原作自  
可久

來附秋七月癸丑女直來貢乙卯以準

布酋長哈喇

原作曷刺攷異太祖紀  
天贊三年將另一人

爲本部額爾奇

木

穆宗應歷元年冬十二月壬子鐵驪布古德來貢

二年春二月癸卯女直來貢夏四月己亥鐵驪進鷹

鶻冬十月戊申回鶻及哈噶斯來貢

三年秋七月吐蕃

改異冊府元龜云在長安西八千里本漢西羌地後魏神瑞初南涼

秃髮樊尼率眾西奔建國羌中開地千里以秃髮爲

國號語訛謂之吐蕃其後寢強地方萬里歐史云五

代時吐蕃已微弱回鶻黨項諸羌夷分侵其地續通

考云羌屬其酋發羌唐旄等居析支水西樊尼西濟

河逾積石居歧布川或邏娑州隋開皇中論贊索居

祥河西滅吐谷渾盡有其地貞觀時始入中國後衰

內屬者曰熟戶餘曰生戶又有小蕃大蕃胡等國皆

母思山吐蕃之別姓勃萃野氏今西藏地是

遣使來貢

庫原  
古作

詔撫

衲僧

五年爲中

乙原  
室作

1

沅里  
續斯

續思  
通攷

古部

古部

烏爾古額爾奇木子博勒岱

原作勃勒底攷異畢沅續通鑑作布達齊云舊

作勃齊獨

不叛詔褒之二月烏爾古殺其酋長蘇爾台

原作宰

降而復叛攷異部族表繫於正月

三月丁丑大黃室

韋酋長伊聶濟

攷異部族表云原作寅尼吉係一人

叛亡

入德呼夏四月乙巳小黃室韋叛

攷異部族表大黃室韋之叛繫於二

月小黃室韋之叛繫於三月

伊勒希齊蘇等擊之爲

所敗詔以託里

原作禿里攷異卷六十一刑法志伊喇禿里另一人畢沅續通鑑作圖里

代爲都統以農古

原作女古攷異汪輝祖遼史同名錄云太祖紀神冊三年涅里袞奴

卷九十四蕭阿魯帶傳父札詳穩卷一百章奴傳代天祚時叛黨四人同名女古畢沅續通鑑作尼古

爲監軍率輕騎進討仍遣使持詔撫諭五月壬申詔

使錫濟爾

原作尋吉里攷異畢沅續通鑑作尋支哩

奏論之不從伊勒希

以達林

原作捷凍

蘇二羣牧兵追至柴河與戰不利室韙

酋長伊薛濟亡入德呼德呼尋來降秋七月甲戌烏

爾古至河德濼尋掠上京北榆林谷居民遣額爾奇

木華喇

原作畫里攷異太宗會同四年振武節度耶律畫里另一年

伊勒希巴

原作

夷裔

察實

原作常思攷異部族表說作常恩

擊之戰不利復遣林牙

蕭幹

原作幹卷八十四有傳攷異紀傳幹幹互見今俱改幹汪輝祖遼史同名錄云卷十八興宗重

熙六年使宋卷二十九天祚保大元年太師卷九十四耶律納延傳納延父耶律世良傳小字五人同名

幹往討冬十月丁未察實與烏爾古戰大敗之

十七年春正月庚寅朔林牙蕭幹郎君耶律賢適討

烏爾古還帝執其手賜卮酒授賢適右皮室詳袞伊

勒希齊蘇轄里

原作霞里

三人賜醕酒以辱之伊勒希巴

古雲

原作骨欲攷異汪輝祖遼史同名錄云卷十七聖宗太平八年罪人卷四十七百官志與宗重

熙七年勾管禮信司三人同名骨欲獻烏爾古之俘

景宗保甯三年春正月甲寅右伊勒希巴希達

滿州語門

簾也原作奚底今譯改乾亨元年爲北院大王皇族

表謂係雅爾噶子太祖孫也攷異隆運休格色珍托

果薩哈勒傳之奚底均係一人卷二十一道宗清甯四年奚六部大王奚底另一人獻德噶俘

詔賜有功將士

二月壬午遣多和

原作鐸遇

使阿爾斯

蘭回鶻

五年春正月甲子特哩袞休格

原作休哥

伐黨項破之獻

其俘二月壬辰越王必舒

原作必攝字珍哉  
原作箴墓太宗子復獻黨

項俘獲之數

夏四月辛未女直侵邊殺都監達里

塔

原作達里迭

伊喇

攷異滿州語黍也  
舊作拽刺今譯改

鄂囉羅

原作幹里魯

掠邊民牛馬己卯阿爾斯蘭回鶻來貢六月庚寅女

直宰相及額爾奇木來朝

八年秋八月女直侵貴德州東境九月辛未東京統

軍使察喇

原作察隣

詳袞古

原作涸

奏女直襲歸州五寨

地理

志云歸州觀察太祖平渤海時置後廢  
統和末伐高麗復置屬南女直湯河司標掠而去

九年春正月丙寅女直遣使來貢尋復請宰相額爾

奇木之職以次授之冬十月甲子耶律沙以黨項降

酋克酬

原作可醜

摩約

原作賀友

來見賜官遣歸

乾亨二年春三月丁亥西南招討副使耶律旺祿

原作

王六攷異汪輝祖遼史同名錄云卷八景宗保甯八年郎君卷十一聖宗統和四年領國舅軍又是年太師卷十七太平九年藩州節度蕭王六公主表聖太宗女興哥下嫁蕭王六疑卽此人五人同名王六太尉華格

原作化哥

遣人獻黨項俘

聖宗統和元年春正月辛巳耶律蘇色

原作速撒字阿敏官九部

都詳袞在邊二十年威信大振卷九十四有傳攷異卷九十九速撒傳上京留守另有一人獻準布

俘甲申西南招討使韓德威奏黨項十五部侵邊以

兵擊破之蘇色遣使來奏黨項捷下詔褒美夏五

月壬戌遣北王府耶律普努甯

原作蒲奴甯又作普奴甯自此至四年冬



凡八見均係一人攷異卷十八興宗重熙六以達巴

年烏爾古達魯特都詳衮蒲奴甯另方與紀要云本

原作德喀二部兵助討西突厥諸部突厥西部隋時

部長阿波寢強至射匱可汗與北突厥爲敵建牙於

龜茲北三彌山拓地益廣西域皆屬唐貞觀中因亂

內附顯慶二年其酋爲蘇定方所擒勢遂衰而突

馳施始強并有其地十姓皆屬天寶後皆附吐蕃

西南招討使達罕原作大漢遣伊喇伯勒格原作刺哥諭黨

項諸部降者甚衆降詔褒美六月乙酉黨項酋長執

額爾奇木子烏延原作隈引等乞內附詔撫納之仍令韓

德威擊其未服者尋遣使來獻俘冬十月癸巳蘇

色奏德喀部及叛番來降悉復故地攷異耶律托色

御蓋郎君是年與西邊詳衮蘇色討圖勒舒大破之

紀表未載夏文彥圖繪寶鑑補遺云題子字勝隱官

西南招討都監嘗從侵宋宋將有面傷而仆者題子繪其像以示宋將咸嗟神妙傳未書

二年春二月丙申宣徽使蕭布琳原作蒲甯奏討女直捷

夏四月同平章事耶律布琳原作普甯都監蕭勤德獻征

女直捷授布琳政事令勤德神武衛大將軍并賜金

器秋八月辛卯女直宰相哈里原作海里等八族內附攷異

聖宗紀云八月東京留守耶律穆濟奏女直珠冬

卜薩里等八部乞率眾內附詔納之所載較詳

十一月蘇色等討準布殺其酋長達爾罕原作達

三年秋八月癸酉朔命樞密使耶律色珍原作斜軫為都

統駙馬都尉蕭懇德為監軍討女直閏九月丙申女

直宰相哲伯埒攷異屬國表云原作尤里補聖來朝

宗紀云原作尤不里係一人

遼史紀事本末

卷六

三

冬十一月丙申東征女直都統蕭達林

原作闡覽

以行軍

所經地里物產來上

四年春正月甲戌林牙耶律穆爾古

原作謀魯姑一作磨魯姑攷異

百官志作磨魯古係一人道宗太康三年左衛大將軍謀魯古另一人

彰德節度使蕭

達林

原作闡覽

上東征俘獲賜詔獎諭丙子樞密使色珍

林牙勤德等上討女直生口十餘萬馬二十餘萬及

諸物壬午色珍等克女直軍還遣近侍尼勒堅

原作泥里

吉詔旌其功仍執手撫諭賜酒果勞之二月甲寅色

珍等族帥來朝行飲至之禮賞賚有差

六年夏閏五月癸酉額爾奇木鄂勒博

原作魯勃

送沙

州與地廣記云沙州古三危之地後入匈奴漢武置

州唐改西沙州後仍為沙州涼李嵩據此元魏兼立瓜

張義潮以瓜沙十一州來歸後唐升歸義軍縣二燉

煌壽昌瓜州晉昌別立瓜州魏國為常樂郡唐改瓜州

為西沙州析晉昌別立瓜州後為晉昌郡縣二晉昌

常節度使曹恭順還授裕悅唐同光初曹義金遣使

樂貢中國至晉天福五年義金卒七年沙州曹元忠

瓜州曹元深遣使入朝周世宗時拜元忠歸義節度

使元深為瓜州團練使李燾長編云宋建隆三年正

月加曹元忠兼中書令元忠子延敬為瓜州防禦使

賜名延恭宋史延敬作延繼咸平五年八月授宗壽

弟宗文知瓜州文獻通考云沙州留後曹義金卒子

元忠嗣太平興國五年元忠卒咸平四年封子延祿

燕郡王五年延祿為從子宗壽卒子賢順嗣為節度使

節授節度使祥符末宗壽卒子賢順嗣為節度使王

海云建隆二年十一月瓜州曹延祿貢玉圭一作玉盃

平興國三年三月沙州曹延祿貢玉圭一作玉盃

化二年獻良玉景德二年四月曹宗壽貢良玉名馬

四年五月貢玉印名馬賜錦袍金帶皇  
祐二年四月貢玉均未列恭順名俟攷

秋七月己

亥遣韓德威討河湟諸蕃違命者八月西北路管押

詳衮舒僧格

原作速撒哥

獻哲琳

原作折立

珠嚕

原作助里

俘東路

林牙蕭勤德及統軍實埒

原作石老

以擊敗女直兵獻俘

女直宰相薩喇勒

原作廝魯里攷異屬國表云原作速魯里今從聖宗紀

來朝

七年春二月甲寅回鶻師子國

方輿紀要云天竺旁國也居西南海中

及阿思懶轄里國來貢是春于闐國兩次來貢

王溥五代

會要云在京師西九千九百餘里南接吐蕃西北連

疏勒西南帶葱嶺與婆羅門相連續通考云在葱嶺

北二百里東抵曲先北連亦力把力即瞿薩白那國

也東西五千五百里南北千里漢設都護治之今在肅州

西南六千三百里遼統和七年開泰四年俱入貢金

時遣滿刺哈撒木丁等貢玉璞金遣使答之歐史云

晉天福三年于闐國王李聖天遣馬繼榮來貢晉遣  
張匡鄴高居誨往冊爲大寶國王行二歲始至還記  
畧曰國南千三百里曰玉州漢張騫所窮河源而山  
多玉者卽此河源所出至于闐分爲三東白玉河西  
絳玉河又西烏玉河每秋水涸王撈玉於河國人繼  
之玉海云建隆元年十二月于闐國李聖文遣使貢  
玉圭盛以玉匣後屢入貢周輝清波雜誌云政和間  
從于闐國求大玉表至示譯者方爲答詔表云日出  
東方赫赫大光照見西方五百國五百條貫王  
黑汗王表上日出東方赫赫大光照見四天下  
下條貫王阿舅大官家你前時要者玉自家甚是  
心只爲難得似你底尺寸自家已令人兩河尋訪纔  
得似你底便奉上也元豐四年于闐國上表稱于闐  
國樓儼大福力量知文德黑汗王書與東方日出處  
大世間田地王漢家阿舅大官家潘永因宋稗類鈔  
云于闐後果得玉厚大逾二尺色如截肪昔時未有  
夏四月丙辰以御史大夫烏爾古宗紀保甯元年右  
皮室詳袞領伊實大王冬十一月甲申于闐張文  
另一人

寶進內丹書

攷異契丹國志云于闐高昌龜茲大食小食甘州沙州涼州各國三年一貢遣

使約四百餘人獻玉珠犀乳香琥珀砂瑪瑙器寶

鐵兵器斜合黑皮褐黑絲門得絲怕里阿褐黑絲已

上皆細毛織成以二丈為匹契

丹回賜至少不下四十萬貫

八年夏四月庚戌女直遣使來貢其宰相阿海尋來

朝封順化王秋九月乙亥北女直四部請內附

九年春正月甲戌女直遣使來貢八月進喚鹿人

攷異

聖宗紀未載今從屬國表畢沅續通鑑云是年十二

月女直首領野里雉上書於宋言契丹怒朝貢中國

去海岸四百里下三柵絕其貢路求發兵與三十首

領共平三柵帝但降詔撫諭不出師其後遂歸於遼

紀未載是年三月庚子朔振室韋烏爾古諸部

十二年秋八月庚辰朔詔皇太妃領西北路烏爾古

等部兵撫定西邊以蕭達林

原作撻懶以下同與前文之作闕覽者係二人

說見承天

后事中 監其軍事

冬十二月癸巳女直以宋人

由海道賂本國及說烏舍

原作兀惹

叛遣使來告

十三年秋七月丁巳烏舍烏哲圖

原作烏亦作烏

昭度

渤海

雅爾丕勒

原作燕頗

等侵鐵驪遣奚王和碩鼎

原作奴攷

異畢

沉續通鑑作耶

等討之冬十月戊子烏舍歸欵

耶律

耶律

幹拉傳字斯甯奚德呼部人官行軍都監從和碩鼎

討烏舍烏哲圖數月至其城烏哲圖請降和碩鼎不

許急攻之不能下因蕭恒德言畧地東南至高麗北

邊比還師士卒多死詔奪諸將官幹拉免議加平章

事所載較詳畢沉續通鑑云是冬蕭恒德伐

富勒莫多部人戶多內附恒德還史未載

十四年春三月甲寅韓德威奏討黨項捷

冬十月



遼史紀事本末

卷六

六

戊午烏哲圖乞內附 十二月甲子蕭達林誘叛酋

阿勒坦原作阿魯敦攷異畢沅續通鑑作阿魯端係一人等六十餘人斬之

封蘭陵郡王

十五年春正月丙子河西黨項叛詔韓德威討破之

癸未烏舍長武周來降 三月甲午皇太妃獻西邊

捷攷異畢沅續通鑑云由是遼之西路拓地益遠然本紀於如事甚畧疑後以罪廢當時沒其戰功耳

夏五月德喀八部殺詳袞以叛蕭達林追擊敗之殺

其部族之半秋九月戊子達林奏討準布捷攷異畢沅續通鑑

達林作達蘭云留意人材時耶律昭以事流西北

部達蘭禮致門下欲召用以疾辭上書言邊事從之卒能成功自後諸蕃歲貢方物往來若一家因請建三城以絕邊患詔許之賜詩嘉獎命林牙耶律昭作

賦以旌其功表未載本傳載昭書曰竊聞治得其要則仇敵爲一夫爲偵候一夫治公田二夫給糶官之每當農時一夫爲室處芻牧之事仰給妻孥一遭寇掠大率四丁無一室處芻牧者多雜以糠粃重以拊克不役數月又復告困且畜牧者富國之本有司防其隱沒聚之一所不得各就水草便地兼以逋亡戍卒隨時補調不習風土故日瘠月削馴致耗竭爲今計莫如振窮薄賦給以牛種使遂耕穫置游兵以防盜掠頒俘獲以助伏臘散畜牧以就便地期以數年富強之可望然後簡練精兵以備行伍何守

十八年夏六月準布叛酋呼紐原作之弟特徹布原作

鐵勒不攷異屬率衆來附呼紐無所歸降詔誅之

十九年春正月回鶻進梵僧名醫沈括夢溪筆談云幽州僧行均集佛

書中字爲切韻訓詁凡十六萬字分四卷號龍龕手鑑甚有詞辨契丹重熙二年集契丹書禁甚嚴傳入

中國者法當死熙甯中有人自虜中得之入傳欽之  
家蒲傳正帥浙西取以鏤版其序未舊題重熙二年  
五月序十餘字注一十六萬三千四百餘字統和十  
五年丁酉七月一日癸亥燕臺憫忠寺沙門智光字  
法炬爲之序晁公武郡齋讀書志云紀元通諸隆緒  
嘗改元統和丁酉至道三年也沈存中言末題重熙  
二年五月序蒲公削去之今本乃云統和重熙字  
存中不見舊題妄記之耶序曰夫聲明著論廼印  
之宏綱觀迹成書實支那之令燭印度則始標天語  
厥號梵文載彼貫綫之花綴以多羅之葉閱之以字  
緣字界分之以男聲女聲支那則創自軒轅制於沮  
誦代結繩於既往成進讀以相沿辨之以會意象形  
審之以指事轉注泊夫史籀變古文爲大篆程邈變  
大篆爲隸書蔡邕刊定於石經束皙推詳於竹簡九  
流競驚若百谷之朝宗七畧遐分比衆星之拱極尋  
源討本備載於碑蒼廣蒼叶律諧鍾咸究於韻英韻  
譜專門則字統說文開牖則方言國語字學於是乎  
昭矣矧復釋氏之教演於印度譯布支那轉梵從唐  
惟匪差於性相披教悟理而必正於名言言不正  
則性相之義差性相之義差則修斷之路阻矣故祇

國高士探學海洪源準的先儒導引後進輝以寶燭  
啟以隨函郭逐但顯於人名香巖惟標於字號流傳  
歲久鈔寫時謫寡聞則莫曉是非博古則徒懷悅嘆  
不逢敏速誰為編修有行均上人派演青齊雲飛燕  
晉善於音韻間於字書觀香巖之精寓金河而載  
緝九功績五變炎涼具辨宮商細分喉齒無勞避  
席坐奉師資詎假擔簦立祛疑滯沙門智光利非切  
玉分黍斷金辱彼告成以新音徧於龍龕猶手持於鸞  
悅仰而強為抽毫矧以新音徧於龍龕猶手持於鸞  
鏡形容斯鑒妍醜是分故目之曰龍龕手鑑總四卷  
以平上去入為次隨部復用四聲列之又撰五音圖  
式附於後庶力省功倍垂益於無窮者矣時統和十  
五年丁酉七月一日癸亥序按遼自太祖始  
建寺觀至統和中僧尼漸盛故附錄於此  
三月

乙酉西南招討司奏黨項捷是秋復奏討吐谷渾捷

八月達囉克部來降  
政異續通考云是年達盧骨來貢太宗三年達盧古來貢疑卽

達盧骨今改達囉克均係一部

二十一年夏四月戊辰烏舍渤海鄂羅木

原作奧里米攷異部

族表云原作奧里係一部營衛志云聖宗

伊呀圖原作

合奧里三部爲一乃奧里之訛另一部

越里古攷異重熙六

驚里伊呀濟

原作越里吉又作越里古攷異重熙六年作越棘是越棘與越里吉音近致訛

吉又訛爲等五部來貢

六月乙酉準布德埒哩

原作

古係一部

率諸部來附尋入朝

二十二年春三月己丑罷諸蕃部賀千齡節及冬至

重五進貢秋七月富珠哩

原作滿奴里攷異舊作字木魯今從入旗姓譜改正

博和哩

原作割和阿里等部來貢 九年丙午女直遣使獻

所獲烏哲圖妻子

二十三年春二月乙丑振黨項部夏四月己亥黨項

來侵尋入貢六月己亥達旦國九部來貢攷異李心

記云韃靼之先與女直同種皆靺鞨後為奚契丹所

攻部族分散居混同江者曰女直乃黑水遺種居陰

山者曰韃靼唐末五代嘗通中國皆勇悍善戰近者

為熟達者為生地不產鐵自金得河東廢夾錫錢執

劉豫廢鐵錢由是秦晉鐵錢皆歸焉遂大作軍器勢

益強金置東北招討司統之孟珙蒙達備錄云出沙

陀別種類有三曰黑曰白曰生江休復嘉祐雜志云

韃靼界上獵圍中獲一野人披鹿皮走及奔鹿續通

考云韃靼國有班朱尼河飲馬河舊名臚胸河元冥

河舊名幹難河清塵河舊名古兒扎河闊闊納浯兒

海蒙山海在速兒溫都兒之地他水

奚厥可汗以五月中旬聚此祭天地

二十四年秋八月沙州燉煌王曹壽攷異文獻通考

宗字避廟諱也遣使來進大食攷異冊府元龜云國

見遼史拾遺也遣使來進大食名在南海中男多黑

色鼻長而大似婆羅門女白皙亦有文字出駝馬驢

驂殺羊等馬大於中國兵刃勁利俗好戰鬪玉海云

聖也已再下卷六

七

祥符二年真宗將封禪七月大食航主陂婆黎請以  
方物陪位泰山十月其國蕃官李麻勃遣使貢玉圭  
長尺二寸自言五代祖得於西天竺候中國聖王行  
封禪禮即馳貢方輿紀要云本波斯地唐貞元時在  
西域為最強東盡葱嶺馬及美玉以對衣銀器等賜  
之西南際海地方萬餘里

二十五年秋九月西北招討使蕭托雲原作討準布圖玉

破之本傳字兀衍宰相哈里子討平準布還尙金鄉公

子雙寬南京統軍使孫額圖琿烏爾古德

時部統軍使尙固頁公主以善戰名於世

二十六年冬十二月蕭托雲奏討甘州回鶻降其王

伊嚕勒原作耶勒里攷異托雲傳作伊蘭亦撫慰而

還作牙懶畢沅續通鑑作伊拉里克

二十八年夏五月乙巳蕭托雲伐甘州回鶻破肅州  
輿地廣記云古月氏地後入匈奴漢開立酒泉郡西涼李嵩自燉煌徙此隋立肅州唐因之後爲酒泉郡縣三酒泉俘其民詔修托輝  
原作口故城在今肅州西北  
實之

二十九年夏六月丁巳詔蕭托雲安撫西鄙置準布  
諸部節度使

開泰元年春正月辛卯哈斯罕  
原作曷蘇館大王呼勒希

原作曷里喜來朝秋八月丙申鐵驪納蘇  
原作那沙等送烏舍

百餘戶至賓州賜絲絹納蘇乞賜佛像儒書詔賜護  
國仁王佛像一易詩書春秋禮記各一部  
攷異續通考云遼一



代內府書籍重熙末始建秘書監收掌之清甯元年

十二月詔設學頒五經傳疏八年十月禁民間私刊

印文字十一月詔求乾文閣所闕經籍命儒臣校讐

咸雍十年十一月詔有司頒行史記漢書大安二年召

翰林學士趙孝嚴知制誥冬十一月甲辰蕭托雲

王命儒等講五經大義原作阿里底攷異會同二年九

奏七部太師阿勒達月準布阿勒達來貢原作阿离

底係準布長部族表作阿里因部民怨殺本部節度

底疑與此之阿里底係一人因部民怨殺本部節度

使巴罕原作霸暗并屠其家以叛準布執阿勒達來獻而

沿邊諸郡皆叛攷異托雲傳七月錫林太師阿勒達

城也俄準布復叛圍托雲於哈屯城勢甚張托雲遣

兵射却之明年華格來救托雲誘諸部悉降畢沅續

通鑑云時都監蕭孝穆進軍哈屯城準布結五羣牧

長扎拉阿都等謀中外相應孝穆悉誅之餘黨皆潰

按孝穆傳扎拉阿都作扎拉圖孝穆

以功遷九水諸部安撫使所載互異

二年春正月己未烏爾古德噶叛命右皮室詳袞延

壽攷異汪輝祖遼史同名錄云卷十一聖宗統和七年四月皇女延壽公主又御史大夫卷十七太平

八年北德噶節度卷六十五公主表昭懷太子女五人同名延壽討之是月達旦

國兵圍鎮州攷異方輿紀要云遼置一曰建安軍在臨潢西北三千餘里本古可敦城捍禦

突厥室韋謂之邊防城其相近者曰防維二州金廢

可敦亦作哈屯地理志云統和末皇太妃奏置選諸

部族二萬餘騎充屯軍凡有征討不得抽移又靜州

本泰州金山天慶六年升置觀察靜邊城本契丹二

十部水草地屯兵千騎以防伊濟東南至上京千五

百里招州綏遠軍開泰三年以女直戶置均隸西北

招討司所州軍堅守尋引去三月壬辰朔樞密使華

格原作化哥字宏隱孟父房楚國王後卷九十四以

有傳攷異卷一百十張孝傑傳作化葛係一人以

西北路畧平留兵戍鎮州赴行在尋復奉命西討烏

爾古德喀部悉復故疆 秋七月色珍奏黨項諸部

叛者皆遁黃河北模赧山其不叛者哈坦

原作額勒易黨

敏

原作鳥迷

兩部因據其地今聞前後叛者多投西夏不

納遣使就加撫諭不報帝怒欲伐之遂詔夏合擊仍

命諸軍多市肥馬己酉華格等破準布酋長烏巴

原作

烏之衆烏巴尋入朝封爲王冬十一月癸丑華格以

西征有罪削爵出爲大同節度使

攷異華格傳時奉命經畧西境與邊

將深入聞蕃部逆命居伊濟水遂進兵敵望風奔潰

俘獲無數尋以誤掠回部削幽王爵以待中卒紀未

載誤掠回部事又傳載拜上京留守遷北院大王侵

宋有功遷南院改北院宏簡錄謂由特哩袞遷北院

大王聖宗紀時官

樞密紀載各異

三年夏四月癸亥烏爾古復叛秋九月丁酉八部德

喀殺其詳袞刷皆叛詔南府宰相耶律烏拉噶

原作吾刺

葛攷異卷十八重熙六年招撫之王子耶律世良獻

耶律烏魯幹疑係一人

德喀俘攷異世良傳小字幹六院部人才敏給練達

討為都監師將退世良力爭追敵至安真河大破之

邊境以甯封岐王擢北樞密命選馬駝於烏爾古部

會德喀部伊喇殺酋長叛攻陷巨穆古城世良招降

悉復故地耶律古雲傳原作古昱圖魯卜四世孫以

都監從世良討平叛部以功留鎮撫西北教之種

樹畜牧民以富實宏簡錄謂古昱以功遷左千牛衛

是年四月乙亥沙州回鶻曹順遣使來貢

攷異文獻通考曹宗

改官事卷九十二耶律獨獺傳父太宗紀是年無古雲

十一年古雲改天成節度使查興宗紀是年無古雲

於咸雍九年為中京留守傳均未載又傳載重熙二

壽子賢順此去賢字  
避廟諱見遼史拾遺

四年春正月丙戌詔耶律世良討達魯特

原作迪烈得攷異部

族表作敵烈德又三年世良部尋大破之夏四月丙

寅樞密使固甯

原作敵烈係一國攷異汪輝祖遼史同名錄云卷十二聖宗統和七年伊實王卷

十九興宗重熙十年北樞密奏大破八部達魯特降詔

獎諭世良進討叛命烏爾古殲其眾復討達魯特至

清泥竭時伊濟

原作于厥既平朝議內徙其眾伊濟安土

重遷遂叛世良懲創既破達魯特輒殲其丁壯勒兵

渡哈喇

原作曷刺河進擊餘黨爲其將綑果

攷異畢沅續通鑑作巴固

云舊作勃括

所襲軍小却翼日後軍至綑果誘伊濟之眾

皆遁世良亟掩之縑果走免獲其輜重及餘黨并遷

達魯特部民城臚胸河上居之攷異方輿紀要云塔

金廢臚胸河在臨潢西北下流今鴨子河入混同江

注於海西北有皮被河出回紇北東南經伊濟入臚

胸河合沱漣河入海遼置城其上以控北邊去上京

千五百里塔懶王地理志作塔哩珠臚胸河今名克

魯倫河源出喀爾喀肯特山流

至漠北與黑龍江合紀載各異

七年春三月丙午烏爾古部節度使蕭布達原作普達字彈

隱討叛命德喀滅之尋追德喀騎卒取北準布名馬

以獻賜詔褒獎 夏閏四月戊午吐蕃王巴爾蘇原作

并里尊奏朝貢假道夏國從之按遼境四至契丹國志

涿江東八里黃土嶺為界至保州十一里次東南至

五節度熟女真部族西北至東京五百餘里係北樞

遼史紀事本末卷六

密所轄次東南至熟女真國不屬契丹地方千里西  
至東京二百餘里東北至生女真國屢爲邊患契丹  
於南北二千餘里沿邊創築城隍防守征討厯三十  
年南界西南至東京六百里東北至尾惹國阿里眉  
國破骨魯國均屬契丹樞密轄西至上京四千餘里  
至東北至鐵離國不屬契丹密西南至上京五千餘里  
次東北至靺鞨國無君長不進貢惟通貿易至南至  
上京五千餘里至鐵離國正北至蒙古里國南至  
貢奉西南至上京四千餘里至鐵離國正北至蒙古里國南至  
上京四千餘里至鐵離國正北至蒙古里國南至  
剽蕭徒欲擊破之東北至於厥國聖宗時入寇駙馬都  
鼐古里國次北近西至達打國男女五千餘里次西北至  
兵東南至上京六千餘里西近北至生吐蕃國西至  
黨項等部族所隔東南至雪州三千里胡嶠陷北記  
云東至海有鐵甸人剛勇地少草木水濁如血北牛  
蹠突厥人身牛足地尤寒水曰瓠瓠河水東北至襪  
子髦首不鞍而騎善射遇人輒殺生食其肉契丹五  
騎遇一襪刼子則散走北狗國人身狗首長毛不衣  
手搏猛獸語爲大噪其妻皆人生男爲狗女爲人自

相婚稼穴居食生有人自黑車子歷牛號國北行一  
年歷四十三城以木皮爲屋語言不通至三十三城  
得一人能鐵甸語云地名頡利烏于邪堰自此以北  
龍蛇猛獸魑魅羣行不可往矣蓋北荒之極也續通  
考云西蕃有可跋海周七十餘里東南流至雲南合  
西珥河又黃河在朶甘衛西直馬湖蠻部正西三千  
餘里去麗江府西北千五百餘里入黃河麗河源出西傾山  
狗嶺北西北流五百餘里又析支水湟水西甯州東其  
鵬梭河出西蕃鵬梭山又析支水湟水西甯州東其  
宿軍谷東流五百里爲邈水哈密有畏吾兒河城東  
北三十餘里合羅川衛東南其西北三百里爲甘露  
川火州有蒲類海土魯番西南二十里爲交河亦力  
把力有熱海周數百里夷呼亦息渴兒撒馬兒軍有  
哈刺卜蘭河城東在迭里迷城南爲阿木河火車站河  
沙鹿海牙城西其東爲  
哈卜連河紀載甚詳  
克魯原打部節度使博羅哩魯里至必繖鼻泗河

遇微雨忽天地晦冥大風飄四十三人飛旋空中良



久乃墮數里外博囉哩幸獲免一酒壺在地反不移

攷異續通考六年六月賜蕭德妃死葬免見山西數日大風起塚上晝晦大雷電而雨踰月乃止見聖宗紀

秋九月庚申攷異朔考庚申係朔佛甯原作蒲昵攷異百官志作蒲泥係一

國奏烏里國封壤相接數侵掠不甯詔諭之

八年春正月壬戌封沙州節度使曹順爲燉煌郡王

三月癸未輝發原作同部太師塔喇噶原作踏刺葛來貢攷異

續通考云興宗重熙十二年置同跋部詳穩都監其部長匹迭臺扎等嘗來朝貢不絕

九年冬十月戊子西南招討司奏黨項部有宋犀族輸貢不時嘗有他志請遣使督之詔曰邊部小族歲有常貢邊臣驕縱徵歛無度彼懷懼不能自達耳第

遺清慎官將示以恩信毋或侵漁自然效順并命進  
節度使韓留治狀壬寅大食國遣使貢象及方物爲  
子察克原作冊割請婚明年遂封王子班郎君和索哩女  
噶老爲公主嫁之

太平六年春二月己酉東京留守巴格

原作八哥攷異公主表聖

宗女同奏黃翩領兵入女直界俘獲無算得降戶二

百七十詔獎諭之三月準布來侵西北招討使蕭惠

字伯仁阿固擊破之夏五月癸卯詔蕭惠將兵討甘

州回鶻阿爾斯蘭部徵兵諸路獨準布酋長濟喇

原作

直刺攷異畢沅續通鑑作特刺後期立斬以徇進至甘州攻圍三日

不克而還時濟喇子聚兵來襲準布酋長烏八攷異畢沅

續通鑑密告來信會西準布叛襲三克軍都監尼嚕

作烏拜古原作涅魯古圖吉原作部節度使轄里原作諸里

一作涅里姑圖吉原作部節度使轄里原作諸里

圖吉一作額布勒原作呂係一人畢沅續通鑑作阿卜魯卷百

十五高麗外紀曷等將兵三千來救遇敵於哈屯城

不呂另改赫伯舍等將兵三千來救遇敵於哈屯城

西南地理志云本回鶻哈屯城原作可敦語訛為河

劫行旅遷其族於此東南至上京千七百里蕭罕嘉

努傳重熙初嘗奏陳自城哈屯開數千里西北之民

徭役日增生意日殫警急既不能救叛服亦復不恒

空有廣地之名而無得地之實今宜結恩諸部釋罪

歸地內徙戍兵以增保障外明約束以正疆界每部

各置酋長歲修職貢叛則討之服則撫之諸部既安

必不生釁矣時不能用按罕嘉努原作韓家奴見卷

一百三文學傳係安圖孫官歸德節度嘗與耶律庶

成纂實錄有六義集十三卷及五代史譚解又貞觀  
政要及通歷皆奉詔譯策對一卷太宗功德碑均出  
金門詔補三史藝文志至卷十八重熙六年都署  
卷九十六有傳則與道宗清甯九年北宣徽荆王降  
封蘭陵郡王疑係一人又卷二十二清甯九年副官  
使卷二十三太康三年漢人行宮都部署卷二十八  
天祚天慶五年北樞密卷一百十四奚和勒博傳保  
大時奚人六人同名韓家奴見陳浩遼史攷證宋白  
續通典云重熙十五年詔曰古之治天下者明禮義  
正法度我朝世有明德雖中外向化然禮書未作無  
以示後世卿與庶成酌古準今制爲禮典或有疑與  
南北院同議家奴乃博考經籍自天子達庶人情文  
制度可行於世不謬於古者撰成三卷進之字休堅  
涅刺部人時劉輝官太子洗馬亦疏言西蕃爲患土  
卒遣戍疲於輓運然長策請城於鹽澤實以漢戶  
使耕田聚糧以爲邊費識者韙之亦見文學傳  
里額布勒戰沒士卒潰散惠倉卒列陣敵出不意來  
攻營衆請乘時奮擊惠以軍疲未可用弗聽烏巴請

夜斫營又不許準布歸乃伏兵擊之前鋒始交敵敗

走惠連年征討士馬疲困坐左遷尋改南京統軍使

攷異畢沅續通鑑作都指揮使

詔遣特哩袞耶律鴻觀

原作洪古字和爾沁樞密

華格弟官上京留守加裕悅攷異本傳加裕悅在重

熙十三年而興宗紀十二年八月裕悅鴻觀薨是鴻

觀之加裕悅當在十三年之前林牙華格等往討之

八年春正月庚申黨項侵邊破之秋九月癸丑準布

別部長呼蘭

原作胡懶

來降乙卯準布長吹古

原作春古

來降

冬十一月丙申以耶律求翰

攷異汪輝祖遼史同名錄云卷十八興宗重熙

元年平章六年宮中都部署三人同名求翰

爲北院大王

興宗重熙六年秋八月己卯北樞密院言伊降濟部

民苦其酋長庫春

原作坤長攷異部族表作渾敵

不法多流亡詔罷

伊降濟等五國酋帥以契丹一節度領之

營衛志云五國部一

博和哩二富珠哩三鄂羅木四伊降濟五伊降濟聖宗時來附台居本土以鎮東北境屬黃龍府冬

十一月準布來貢明年其酋長通特古斯

原作屯來

朝

攷異蕭孝友傳時官西北招討使先是蕭惠專以威制西羌諸夷多叛孝友下車厚加撫慰每入貢

輒增其賜物遂成姑息諸夷轉益桀驁論者譏其過中表未載

九年冬十一月甲子女直侵邊發黃龍府鐵驪軍拒

之以所得女直戶置肅州

地理志云肅州信陵軍隸北女直兵馬司治德安縣

十年春二月庚辰朔詔博羅滿達勒

原作滿部歸哈

斯罕戶之没入者使復業冬十月庚寅以女直太師

塔鴉克

原作臺押改異卷十八重熙二年女直詳袞疑卽此人卷七十三欲穩傳祖臺押北邊伊

喇卷十九重熙十年女直太師爲曷蘇爲哈斯罕部館都大王均另一人見陳浩遼史考證

大王

十二年夏六月辛亥準布大王通特古斯弟太尉薩

哈勒

原作撒葛里攷異卷十二聖宗統和五年涅刺部節度使另一人來朝

十三年夏四月己酉遣東京留守耶律浩善

原作侯晒字托

紐北院巴古濟後傳在卷九十三汪輝祖遼史同名錄云父黃皮室詳穩忽古又蕭忽古道宗時護衛將

軍外戚表龍虎衛上將軍和知黃龍府事耶律烏魯克亦作忽古三人同名忽古

斯原作歐里斯攷異卷四十八百官志作歐里斯浩善傳誤作蕭歐里斯均係一人卷八十一實魯傳

子歐里斯另一人將兵攻博羅滿達勒部其界內海見陳浩遼史攷證

蘭河戶等來附招撫之南院大王果實

原作高十

奏黨項

叛附西夏西南招討司奏山西部族節度使屈烈以

五部叛入西夏五月壬戌羅漢努奏與黨項戰不利

招討使蕭布達四捷軍詳袞張佛努沒於陣尋贈布

達平章事

攷異畢沅續通鑑云時元昊遣兵助叛黨屬國表未載

十五年春二月丙寅博羅滿達勒海蘭河百八十戶

來附夏六月甲戌西北招討使耶律達嚕噶

原作敵魯

古攷異重熙十二年惕隱封漆水郡王十四年金吾衛大將軍爲乙室大王後見十八十九年俱不繫姓均係一人卷七十五耶律圖魯舒

傳父太宗時爲夷离堇另一人

坐贓免官

秋七

月丁未女直部長札穆

原作遮母

率衆來附加太師



遼史紀事本末

卷六

天

十七年春二月辛巳振濟頁穩

原作瑞穩

徹木袞

原作潮穩部

秋七月丁未裕悅瑪摩約

原作梅欲摩

子布格

原作葛一

不及

伯哩

原作婆離

八部

原作虎

等內附

八月戊子遣

殿前都點檢耶律義先

本傳裕悅仁先弟由祇候郎君班詳袞恩南京統軍使封

富春王等伐富珠哩

原作滿奴里攷異畢沅續通鑑作富努里

酋托多羅

追王許等伐富珠哩

原作沅續通鑑作託德勒

十八年春正月丙辰耶律義先奏富珠哩捷爭執其

酋托多羅來獻手詔褒獎封武昌郡王

攷異蕭珠展傳原作木哲

時爲興聖宮使從征富珠哩擒托多羅因與義先不協誣義先罪免官後歷北府宰相姪藥師努官右伊勒希巴夏爲宋攻求解使宋通好從之拜南面林牙終安宋軍節度按珠展爲國舅族孝穆弟噶濟子外

戚表誤列不知世次  
而藥師努又未載  
三月丁巳烏爾古遣使送款夏

五月甲辰五國酋長各率所部來附擢耶律仙童爲

左監門衛上將軍攻異仙童傳富珠哩叛爲五國節度率師討之擒托多羅又擊威部

降其衆改彰國節度進北院太王封許國公而宏簡

錄授左監門衛上將軍在改彰國節度之前又異畢

沅續通鑑仙童作珙圖

二十一年夏六月遣使詣五國及布古德部捕海東

青鶻本紀未載今從部族表冬十一月甲子回鶻阿爾斯蘭遣

使貢名馬文豹

道宗清甯三年春正月乙未五國部長來貢方物攷

李燾長編云仁宗嘉祐三年九月秦鳳經畧司言西

番嘉勒斯賚與契丹通姻先是嘉勒斯賚納克壘阿

遼史紀事本末卷六  
无



熟移屯鎮州凡十四稔積粟數十萬斛每斗數錢遷  
馬人望爲中京度支使視事多歲積粟十五萬斛遼  
之農穀於是爲盛而東京如威信蘇復辰海同銀烏  
遂春泰等五十餘城內沿邊諸州各有和糴倉依祖  
宗法出陳易新許民間自願假貸收息二分所在無  
慮二三十萬石雖累兵興未嘗乏用迨天慶間金兵  
大入盡爲所有所載甚詳續  
通考繫之興宗重熙中又異

五年春正月準布塔里干叛詔晉王耶律仁先爲西  
北招討使錫鷹紐印及劍諭以便宜從事仁先嚴斥  
堠扼敵衝懷柔服從庶事整飭進擊塔里干追殺八  
十餘里大軍繼至大敗之別部來救不敢戰而降未  
幾擒其酋長以獻北邊遂安 冬十一月丁丑五國

博和哩部叛命右伊勒希巴蕭素颯

字特默原作特免五院部人攷

異畢沅續通鑑作蕭蘇拉率兵討降之與其酋長來朝徙北院林牙改南院副部署十二月甲戌五國來降仍獻方物六年春二月丙寅準布來朝貢方物夏四月癸未西北招討司以所降準布酋長至行在冬十月壬申復擒其酋長來獻

七年春三月己酉以討五國功加知黃龍府事蒲延等千牛衛上將軍

八年春正月癸未以討北部功加詳衮耶律超

原作巢

知北院大王事都監蕭阿魯岱烏爾古德埒部詳衮攷異宏簡錄云以阿魯岱曾論耶律巢功並賞之紀未載時以戰多殺人飯僧南

京中京法能自講其書每夏季輒會諸京僧徒及羣

臣執經親講所在修蓋寺院僧徒縱恣小民苦之魏

坤倚晴閣雜鈔云燕京歸義寺在善果寺西遼利也

天王殿前一碑無撰書人姓氏額書彌陀邑特達起

院碑文稱肇自清甯七年買徐員外地遂爲歸義寺

備書寺基墻垣尋尺以及佛像經藏之數碑陰首書

疏主懺悔師守司徒純慧大師賜紫沙門智清次載邑衆

僧錄檢校司空精修大師賜紫沙門智清次載邑衆

姓名開府守太尉兼中書令幽國公劉二玄開府兼

侍中開國公趙徽建雄軍節度使開國公劉需諫議

馬子詮尚書張挺中舍李思祕書省校書郎劉文

左班殿直韓允右班殿直王規燕遼國妃劉蕭氏遼

國夫人杜鄭氏其餘邑首邑長邑正押司官印官副

正副錄知歷錢物名號不一又數十人按道宗加僧

守志司徒見於咸雍二年加圓釋法鈞二僧守司空

見於咸雍六年觀此碑知加司徒司空者先有守臻

智清矣名器之濫從此碑知也游幸表載道宗清甯十

年九月幸七金山三學寺寺在南京城南但七金山

無考惟兵衛志曰統和二十三年城七金山建大定

遼史紀事本末卷六

府號中京則七金山在中京豈另有三學寺耶抑二  
事並書耶耶律楚材湛然居士集三學寺改名圓明  
仍請予為功德主因作疏曰粵三學之巨利冠四海  
之名藍今改僧而舍尼遂從禪而革律邀印公為粥  
飯頭請湛然為功德主張翥蛻菴集遊城南三學寺  
詩曰城南多佛刹結構自遼金旁舍遺民在殘碑好  
事尋雨苔塵壁暗風葉石幢深一飯蒲團了蕭蕭鐘  
磬音按興宗重熙十一年十二月以宣獻皇后忌日  
上與太后素服飯僧於三學寺至明一統志已無此利

九年秋七月戊申八錫林

原作石烈

德時

原作敵烈

人殺其節

度使以叛己酉詔威烏爾古

原作紀作威伊濟云原作烏

限于厥與部族表異

部軍分兩道擊之時都監耶律都木達兵

屯臚胸河不戰德時剽掠居民行軍都監蕭頁魯

原作

迂魯字和爾沁五院部人

擊敗之盡獲其輜重又敗其酋長和卓

兵斬數千級盡得所掠而還頁魯值德喀準布相繼  
寇掠邊人疲弊援兵不時至而疆圉帖然皆其力擢  
東北路統軍都監

太康元年冬十月西北路叛命酋長希斯原作吹丹

原作雙寬原作雙古改異汪輝祖遼史同名錄云卷

七郎律音濟傳音濟父卷一百十四蕭等來降攷異

塔喇台傳父國舅詳袞四人同名雙寬等來降耶律

大悲努傳字糾堅王子班聶里古之後時官

右皮室詳袞會準布叛奉詔招降之紀未載

四年夏六月甲寅準布諸酋長進良馬秋九月五國

部長來貢冬十一月己丑回鶻遣使來貢攷異道宗紀載是年

七月甲戌諸路奏飯僧尼三十六萬人畢沉續通鑑  
云道宗末年羣邪並進賊及骨肉諸部侵叛用兵無



甯歲唯一歲飯僧三十六萬一日而祝髮者三千人  
崇尙佛教罔知國卹亡徵見矣晁說之嵩山集云遼  
主洪基以白金數百兩鑄兩佛像銘其背曰願後世  
生中國按本紀載清甯九年十月幸興王寺咸雍四  
年二月頒行御製華嚴經贊五年十一月僧志福加  
守司徒六年十二月加圓釋法鈞二僧並守司空七  
年八月置佛骨於招仙浮圖罷獵禁屠殺八年七月  
以御書華嚴經五頌示羣臣十二月賜高麗佛經一  
藏太安元年十一月詔僧尼無故不得赴闕壽  
隆六年十一月召醫巫閭僧志達設壇於內殿

十年春二月庚午朔蒙古原作國遣使來聘三月戊

申遠蒙古國遣使來聘子攷異洪皓松漠紀聞云育骨

唐書所謂蒙兀部李心傳朝野雜記云蒙國在女真

東北亦曰萌骨人不火食夜中能視以鮫魚皮爲甲

可捍流矢紹興初始叛金宗弼不能討但守要害至

亮時與韃靼共爲邊患李燾長編云元豐六年五月

于闐貢方物見於延和殿上曰離本國幾何時曰四

年在道幾何時曰二年經涉何國曰道由黃頭回紇

草頭韃靼等國留董戡幾何時曰一年間韃靼  
有無頭領部落曰以乏草粟故經由其地皆散居也  
上謂張誠一曰韃靼在唐與河西天德為隣今隔在  
北境自太祖朝嘗入貢後道路阻隔貢奉遂絕間嘗  
與夏戰者豈此韃靼耶曰韃靼與李氏世仇也問道  
由諸國有無抄掠曰惟懼契丹耳問所經由去契丹  
幾何里曰千餘  
里所載甚詳  
夏四月女直貢良馬及犬嗣後屢次  
來貢  
延季父北院大王卓克算為西北諸部援邊以納  
軍都統討平之又蕭素颯傳子穆喇幹時為馬羣太  
保北部來侵擊破之遷統軍仍許便宜行事紀表均  
未載商幣續綱目云是年  
復改國號為遼紀亦未載

大安二年夏六月乙巳準布酋長余古納原作及阿

達原作來朝詔燕國王延禧相結為友

五年夏五月己丑以準布磨古斯為諸部長攷異畢沅續通

通史紀事本末

卷六

三

鑑作瑪古蘇云招討耶律托卜嘉所薦也自蕭廸嚕  
爲招討使政務姑息諸部漸至跋扈托卜嘉含容尤  
甚邊防益廢至是復薦瑪古蘇卒啟邊患紀未載趙  
翼陟餘叢考引孟琪蒙達備錄謂北有蒙古斯國雄  
於北邊後衰滅成吉斯起兵慕蒙相近也耶律都勒幹  
古按蒙古斯卽磨古斯磨蒙聲相近也耶律都勒幹  
傳原作鐸魯幹字伊實揚季父房後廉約重義咸雍  
中官同知南京留守被召以部民懇留賜詔褒獎大  
安五年歷南府宰相卒所至有聲吏民畏愛子布庫  
烏爾古節度爲盜殺汪輝祖遼史同名錄云布庫作  
普古卷三十七地理志松山州橫帳王卷十七聖宗  
紀太平五年北樞密三人同名普古又卷一百十蕭  
十三傳父節度卷八十二蕭揚  
阿傳叛人均與鐸魯幹同名

七年夏六月己亥倒塌嶺人進古鼎有文曰萬歲永

爲寶用辛丑回鶻遣使貢方物尋獻異物不納厚賜

遺之

八年冬十月辛酉準布磨古斯殺金吾特古斯

原作吐古

斯以叛時耶律和囉木薩噶

原作阿魯掃古本傳字烏庫哩孟父房後卒官

兼侍中攷異卷二十六道宗壽隆六年東京留守何

魯掃古係一人宏簡錄壽隆間為東京留守乾統三

年為南院大知西北招討司事值邊部額特格爾

王傳未載知西北招討司事值邊部額特格爾原作

耶觀刮又作耶等來侵誘北準布酋豪磨古斯攻之

都刮係一部等來侵誘北準布酋豪磨古斯攻之

俘獲甚眾以功加左僕射復討額特格爾等悞擊磨

古斯北準布由是叛命坐削官遣奚六部圖哩

原作吐里

亦作耶律果桑

原作郭三

發諸蕃部兵討之

九年春二月磨古斯來侵和囉木薩噶率兵追之還

都監蕭章吉特

原作張九

遇賊與戰不利二室韋伊喇

原作

刺北王府特們原作特滿羣牧宮分等軍多陷沒冬十月

庚戌有司奏磨古斯偽降已而乘虛來襲耶律托卜

嘉原作撻不也死之托卜嘉爲仁先子時代和囉木薩噶

爲西北招討使磨古斯之爲酋長托卜嘉所薦至是

誘致之逆於鎮州西南沙蹟間不設備遂被害事聞

贈侍中諡貞憫準布烏古察原作烏古札亦作烏古禮叛達勒達

原作達博索摩原作拔思母並寇倒塌嶺命行軍都監耶

律辰嘉努原作續通鑑作慎家努字綿辛懿祖弟噶拉之

裔按本傳兄薩木原作撒率兵往援統軍使蕭休格

原作奏討準布等部捷十一月辛巳特默原作特末等奏

討準布捷

十年春正月癸未提克德

原作惕德

來貢

戊子烏古察

等來降達勒達博索摩二部來侵四捷軍都監特默

死之二月丙午西南招討司奏討博索摩捷巴雅爾

布琳

原作排雅僕里

通古

原作葛同

和克

原作虎骨

布格

原作僕果

等來降

達勒達來侵山北副部署蕭阿嚕岱

原作傳字伊實揚威

部人父農古仕至糾詳衮阿嚕岱由本部司徒歷官

山北副部署加同平章事封蘭陵郡公改西北招討

使即前論耶律巢討擊敗之夏四月壬寅朔提克德

敏達蘇

原作得斯萌

魯克都

原作古得老

等各率所部來附詔

復故地辰嘉努奏討察察哩

原作紀又作茶札刺攻異天祚

捷以知北院樞密司事耶律額特埒原作幹特刺攷異卷九十蕭托

輝傳太康時臣為都統伊勒希巴耶律托多攷異宏簡錄作

吐朶卷二十五太康九為副統龍虎衛上將軍耶律

年又作禿朶係一人為都監討磨古斯積慶宮使蕭

唃哩原作胡呂字蘇為都監色宏義宮分人為都監原作

札里原作監戰攷異宏簡錄辛亥休格奏伯哩原作

來侵擊敗之閏月庚子達勒達博索摩二部來降

五月戊午西北招討司奏德唃等部入寇統軍司與

戰不利招討司以兵擊敗之敦睦宮太師愛努原作愛奴

及其子死之時候者見馬蹤意寇至辰嘉努遣報愛努視之曰此野馬也將出獵寇至愛努戰沒有司案

辰嘉努不伏詔釋之由是感激後諸部復來侵辰嘉

努率兵三往皆克邊境遂安辛酉以國舅詳袞蕭阿

里原作阿烈攷異卷八十四蕭討古傳應歷初臣另

一人皇族表德祖裔寅底石子中書令阿烈當卽此同領西北路行軍事六月乙酉統軍使休格有罪

除名秋七月準布來寇倒塌嶺盡掠牧馬而去耶律

實嚕原作石柳傳在卷九十九祖獨獺官南以兵追

及奪還九月甲子德喙諸酋來降釋其罪額特埒奏

破磨古斯冬十月癸巳西北統軍司獲準布長博碩

和原作柏富魯原作蒲魯等來獻十一月乙巳提克德通

古原作銅刮準布廸里原作的烈等來降達勒達博索摩二部



復來侵蕭阿嚕岱擊敗之十二月戊子西北統軍司

奏討磨古斯捷

壽隆

攷異洪遵泉志載壽昌元寶錢引李季興諸蕃

祚卽

位壽昌七年改元乾統予家藏易州興國寺碑

安德

州靈巖寺碑興中府玉石觀音像唱和詩碑皆

壽昌

中刻東都事畧文獻通考亦稱壽昌則壽隆乃

壽昌

之訛也遼人謹於避諱道宗乃聖宗孫而以壽

隆紀

元此理所必無者見錢大昕潛研堂集畢沅續

通鑑

亦作壽昌而范成大攬轡錄又有盛昌六年未

知何

指元年春正月庚戌博索摩來侵蕭阿嚕岱擊敗

之夏四月丁卯額特埒奏討額特格爾捷錄西北路

有功將士六月己巳圍場都管薩巴

原作撒八

以討準布

功加鎮國大將軍癸巳準布長約羅岱

原作杳里底攷異屬國表

作禿里底及塔瑪噶原作圖來貢秋七月庚子準布

長敏達蘇原作萌等來貢癸丑伯哩八部來附進方

物甲寅額特埒奏討磨古斯捷拜西北招討使封漆

水郡王

二年春正月癸卯西南招討司討博索摩破之二月

癸亥振達木琳巴古原作達麻部秋九月丙午徙烏

爾古德喀部於烏納水以扼北邊之衝冬十二月己

未額特埒討默爾吉原作梅敗之

三年春正月壬寅烏爾古部節度使耶律辰嘉努以

功加尙書左僕射攷異宏簡錄繫之閏二月丙午攷異

原無閏月考朔考閏二月丙戌準布各酋長請復故朔丙午乃閏月二十一日今增

地貢方物從之 夏五月癸亥額特埒討準布破之

秋八月己亥博羅滿達勒部長率其民來歸復來貢

九月戊寅額特埒奏討默爾吉捷擢南府宰相冬十

一月丁丑西北統軍司奏討默爾吉捷

四年夏五月癸酉納延

原作那也

奏討北邊捷

攻異本傳字伊實年

巴古濟後大安十年冬磨古斯叛納延時為倒塌嶺

節度使與都監耶律呼哩討破之薦呼哩為漢人行

宮副部署壽隆四年復討二部有功拜統軍使邊境

以甯道宗紀及表未載十年事納延後為中京留守

改北院大王卒所至以惠化稱畢沅續通鑑作

諾延按納延蒙古語八十數舊作迺賢今譯改

五年春正月乙丑

原作己丑攷異朔考正月甲辰朔己丑係二月十六日而屬國表詔

伐博索摩列於正月詔夏國王李乾順伐博索摩等  
是係乙丑之訛今改部夏五月戊辰以額特埒兼西北招討使禁軍都統  
尋奏討額特格爾捷

六年春正月辛卯額特埒執磨古斯來獻詔磔於市  
本傳字伊實揚以平寇功加守太保累封混同郡王  
北院樞密使加太師卒諡敏肅攻異宏簡錄大安二  
年知樞密院事兼護軍都統乾統二年又獻額特格  
爾等部捷準布來侵復戰敗之傳均未載皇族表作  
許國王伊德實六世孫續通考列於夏五月壬午烏  
第七世史原本又誤列入八世今改爾古部討察察哩破之秋七月壬申額特格爾諸部  
寇西北路額特埒擊敗之使來獻捷

七年春正月壬戌朔帝力疾御清風殿受百官及諸

國使賀是夜白氣如練自天而降黑雲起於西北疾飛有聲北有青赤黑白氣相雜而落

天祚帝乾統二年夏五月乙丑額特埒獻額特格爾等部捷攷異蕭道拉傳字綬蘭約尼溫汗宮人乾統元年爲西北招討使額特格爾率隣部來侵道拉逆擊追奔數十里二年乘其無備以輕騎襲之獲馬萬五千牛羊稱是紀未載秋七月準希來侵額特埒等戰敗之

三年春正月辛巳朔女直梟蕭哈里

原作海里

首來獻

嗣後

女直事均詳金人兵起事中

天慶五年春二月饒州

地理志云本唐饒樂府地太祖完葺故壘有潢河長水濞

移丹河縣三長濞臨河安民攷異薛映記云度潢水石橋旁有饒州唐於契丹嘗置饒樂府今渤海人居

之方與紀要云在臨潢西南二百三十里唐貞觀中

置松漠府於此阿保機因建爲饒州匡義軍治長樂

縣今渤海古欲等反自稱大王以蕭色佛留原作謝

廢今異卷十七天雲等討之兵敗詔蕭托斯和原作陶爲

軍詳袞另一人等討之兵敗詔蕭托斯和原作陶爲

都統往援復敗績夏六月丙辰招獲古欲等時古欲

結構頭下城以叛有步騎三萬餘招之不下托斯和

帥兵往討擒其渠魁斬首數千級得所掠物悉還其

主紀所載未詳今從托斯和傳字伊實揚圖魯卜部

人阿爾威部節度哩巴孫由祗候郎君厯同知南

樞密以太子太傅致仕卒攷異卷一百七耶

律努傳努妻父駙馬都尉陶蘇幹另一人

六年秋八月烏爾古部叛遣中丞耶律托卜嘉招降

之冬十一月東面行軍副統瑪格原作馬哥及伊都原作余觀

卷之六

攻哈斯罕敗績詔削瑪格官

七年春正月孟古原作女皮室四部及渤海人皆叛降

女直攷異洪皓松漠紀聞云渤海僉天祚之亂共聚族高氏棄家來降言其虛實城復陷契丹所遷民益

繁至五千餘戶勝兵可三萬金人慮其難制頻年轉

戍山東每徙不過數百家至辛酉歲盡驅以行其人

大怨富室安居踰二百年多為圉池植牡丹至二三

百本有數十幹叢生者皆燕地所無賤賣而去其居

故地者令歸契丹舊為東京置留守有蘇扶等州蘇

與中國登州青州相值每原作疎等叛執招討使耶

九年夏五月準布博斯齊原作疎都監蕭錫里岱原作斜里

律幹里朶攷異畢沅續通鑑作鄂爾多不屈死之

沅續通鑑作色埒德

保大二年夏四月沙漠以南部族皆降金帝遁額蘇

擒原作訛秋七月丁巳朔德哱部皮室叛烏爾古

部節度使耶律唐古原作棠古字富僧額六院郎君

裕悅烏哲庶子官黨項部節度卷二十九唐古傳

年北樞密副使歷南府宰相封韓王三人同名唐古

討平之加太子太保九月都統瑪格討叛命德哱部

克之是冬帝由薩里原作掃關出居四部族詳袞之

家營衛志云內四部族曰要尼九帳族曰國舅部族攷

異績通考云肅祖長子洽脊之族在五院司叔子刺

葛季子洽禮及懿祖仲子帖刺季子裏古直之族皆

在六院司此五房者謂之二院皇族元祖伯麻魯無  
後次子巖朮之後曰孟父房叔子釋魯曰仲父房季  
子為德祖德祖之元子為太祖謂之橫帳次日刺葛  
日迭刺日寅底石日安端日蘇皆為季父房此一帳



三  
房  
謂  
之  
四  
帳  
皇  
族  
以  
北  
南  
院  
治  
二  
院  
以  
太  
內  
惕  
隱

治  
四  
帳  
皆  
統  
於  
太  
惕  
隱  
司  
太  
內  
惕  
隱  
司  
掌  
皇  
族  
四  
帳

之  
政  
教  
設  
惕  
隱  
知  
事  
都  
監  
等  
官  
又  
設  
四  
帳  
都  
詳  
穩  
司

掌  
四  
帳  
軍  
馬  
之  
事  
設  
都  
詳  
穩  
都  
監  
將  
軍  
等  
官  
分  
橫  
帳

孟  
父  
帳  
仲  
父  
帳  
季  
父  
帳  
四  
詳  
穩  
司  
外  
有  
舍  
利  
司  
掌  
皇

族  
之  
軍  
政  
亦  
設  
詳  
穩  
都  
監  
將  
軍  
等  
官  
納  
牛  
馬  
得  
裏  
頭

巾  
者  
曰  
舍  
利  
又  
王  
子  
院  
掌  
王  
子  
各  
帳  
之  
事  
官  
曰  
王

子  
太  
師  
太  
保  
司  
徒  
司  
空  
郎  
君  
皆  
北  
面  
官  
所  
載  
甚  
詳

四  
年  
春  
正  
月  
帝  
北  
遁  
瑪  
克  
實  
原作謨來  
迎  
防  
衛  
盡  
禮

至  
烏  
爾  
古  
德  
喀  
部  
封  
爲  
神  
裕  
悅  
是  
歲  
帝  
出  
夾  
山  
趨  
山

陰  
納  
圖  
魯  
卜  
部  
人  
額  
爾  
克  
原作訛哥之  
妻  
恩  
克  
原作諸葛以  
額

爾  
克  
爲  
本  
部  
節  
度  
使

五  
年  
春  
正  
月  
黨  
項  
小  
呼  
嚕  
原作斛祿遣  
人  
請  
帝  
臨  
其  
地  
遂

趨  
天  
德  
過  
沙  
漠  
金  
兵  
忽  
至  
徒  
步  
出  
走  
徑  
趨  
黨  
項  
以  
小

呼嚕爲西南招討使二月帝至應州爲金兵所獲

遼史紀事本末卷六